

II CIMANINIZYO



Sa eco taciciti buyo cintucimwi kuli ndinywe? Cila cita ncobeni. Atu kotame lino mu mupailo.

² Mwami, mbuli mbo cakatondezegwa kuli ndiswe mu ciimbo eci cibotu, *Obo Mboli Mulemu*, alimwi tula yeeya, cifumo cini, nco tunga twa cita na tii cakali Cako! Alimwi mpawo cindi twa yeeya kuti Uli mupati loko, elyo mpawo luyandisyo Lwako lwaka Ku sungilizya ku tubikkila maanu kapati, mpawo buntu bwangu inga bwatandila kulunjizya. Obo mbwini. Nda komba kuti Uyo tulongezya sunu, lino mbuli mbo tuya busakana mu kuswaangana, kuti Uyo komona kuli ndiswe Cinkwa ca Buumi, cili nciyubunuzyo ca Kristo. Nkambo twa cilomba mu Zina lya Jesu. Amenii.

³ Mukwesu Ungren ngu sikuboola cakuzumanana ku cikombelo. Elyo ukkala mu Memphis, Tennessee, walo a banyina, mukaintu wakwe. Elyo mukwasyi oonse uboola ku cikombelo. Elyo Ndila mumvwa kosyonto kapati, nkaambo kula pakasya kapati lyoonse, pele cifumo cino Ndali kanzide ku mumvwa kwiimba lwiimbo olu. Ula imba alumbi, lumwi lwa nze yandisya kapati mebo, *Kuseluka Kuzwa Ku Bulemu Bwakwe*. A zimwi nze yandisya nyimbo zyangu. Elyo Nda jisi coolwe cipati ca muswaangano wisi, cifumo cino, ciindi citaanzi Ne kasola kuba a coolwe eco, muntu mubotu. Elyo—elyo Mukwesu Ungren, bawisi bakwe, taba—takainki kufumbwa kuti mwana wakwe ulapona, Morris, nkaambo ncobeni bala kozyanya.

⁴ Elyo mukaintu wakwe, banyina ba Mukwesu Morris Ungren, bazwaa kupona myaka eyi iili kkumi ayosanwe yainda kwiinda ku luzyalo lwa Leza. Waa kali bunanike bupati kuli ndime, ku bona ceeco; kwinda mu maora amusinze ayo nga jisi, alimwi nekubaboobo kajisi ku jana lya Leza litasanduki. Cila tondezya kuli ndiswe bube bwa bukasimpe bwa Bunakristo, a lusyomo lwa baabo ba cisyoma. Aboobo, Ndili kkomene kapati kuli ceeco cifumo cino.

⁵ Twa kajisi buyo mucado, kuselemuka matantilo. Bana bangu bobilo baka kwata, a bana bangu kuzwa ku cikombelo; Billy Simpson wesu muniini a musimbi muniini muna Myers, bakali tulungu twakumoyo kwa ciindi; Sharol, iiyi. Ba kali...Mba mukowa abalo okuno, na uli obo Sharol Myers muniini, ku Mukwesu Ungren abamwi. Aboobo, tuli kkomene nkambo ka mbabo, Nda bona baka tola busena bwabo, bamane kukwatana, kujokela moonya mu auditoriamu ya mbungano, akukkala kuswiilila kuswaangana. Abo bana lyoonse baka jisi busena busakene maningi mu moyo wangu, nkaambo bala lemeka loko ku Ijwi. Ba—ba yanda buyo Ijwi. Nse yeeyi boobo, kuti Nda baita

bana bangu, Nse yeeyi kuti bali kabotu kwiinda bana bambi. Pele ba langa buyo kuli ndime, elyo Ndi—Ndi—Ndi langila kuli Leza nkambo ka mbabo.

⁶ Billy muniini wakali kuyanda kukwata, elyo mpawo wa kali kuyooowa kuti wakeelede kuunka ku mpi. Elyo kwakali bobile na botatwe babo mu ciimo eco nciconya. Elyo balombe abo bakasika kuli ndime, a kuti, “Mukwesu Branham, ta—ta tuyandi kuba basikudana na kufumbwa cintu, pele tu yanda kuti mulombe Leza.” Elyo ba ndipa mbaakani eyo njo bayanda kutantamuka kuzwa ku mpi, ikuti na bala konzya; kutali kaambo kakuti tii bakali kuyanda kukwabilila cisi, mu cintu cili coonse nco bakali kukonzya kucita. Pele cintu cakali, cakuti na ba—na ba kaunka, niba kainka akati ka musyobo mubi wa bantu okuya muli zeezyo (Ta ndizi mbo muciiita) ya PX, na kufumbwa mbo mu ciita, elyo mpawo basika oko ku banakazi batasamide cakumaninina akulilemeka bumwi. Obo tabuli busena bwa mulombe Munakristo, alimwi aboobo Leza wakapa nkumbizyo yabo.

⁷ Elyo eno Billy muniini wasika cifumo cino, kuti akwate oyu Sharol mubotu muniini, aboobo tuli kkomene kuli mbabo. Elyo tuba lombozya bubotu maningi mu Bwami bwa Leza, kuli mbabo.

⁸ Elyo lino eci cali ciindi cibotu loko kuli ndiswe. Tu jisi cikolo cibotu ca Munsondo okuno cifumo cino, mbungano izwide, aboobo tuli kkomene kapati. Elyo ziindi zinji, bakutausi, ca—ca katuyumya kubona bantu kaba boola a kumvwa. Nkaambo, nywebo mwabona, tamu yandi kwaambaula ku bunyangu butakwe cintu, nkaambo bali. . . Inga twa kanana mbubonya ikuti na kuli muntu omwe awa. Pele nekubaboobo cilimvwisya kabotu cindi wayeeya, “Ikuti na *oyu* umwi waciimpya, umbi uyo cijata.” Nywebo mwabona. Elyo cicibamba bwaandeene, cibamba cabulemu.

⁹ Elyo lino, mu miswaangano buyo yakubuziyanya kwakumbali ndyoonya lino, oku nku, ikuti na tula konzya kubeleka muli njiyo cakufwambaana ncobeni.

¹⁰ Nda swaana Mukwesu Boutliere cindi Ne zwide, alimwi Nse na kumubona kuzwa Ne kali okuno. Nda ti, “Wa kali kuli?”

Wa kati, “Ku babambila cibusulo ca kkalukkuni.”

Elyo aboobo Nda kali kumwaambila kuti Nda kasweekelwa bamwi. Wa kati, “Yebo?”

Nda kati, “Tona cinca nokuceya.”

Wa kati, “Ayebo tona.”

¹¹ Nda kati, “Oyo mwiiminizi ncobeni.” Nda kati, “Pele, yebo ulizi, Ndi jisi. Nda kazwa ku mwaanda a makumi ali ciloba, kusika ku mwaanda amakumi one aosanwe, aboobo Nda kacinca ncobeni.” Nsuuti zyangu zyonse, azyalo, zyandi

komenena aniini. Alimwi umwi waka nduulila imwi buzuba bumwi, aboobo Nda konzya kwiisama kunselelo okuno; imwi eyo yatakali kulengelela a makuko, a kwindilila ku cibuno.

¹² Pele Ndi—Ndi sola kucita mbwekonzya maningi kuli Jesu Kristo kuciindi Ne jisi ciindi cakucita. Elyo kulanganya kwanu kubotu!

¹³ Nda kali kwaamba mu kaanda ndyoonya lino, Nda kabona Muuya Uusalala mupati kagusya kkulenge kuzwa ku mubili wa mwanakazi, moonya omuya. Walo ii—walo mwanakazi uzwa ku Texas. Elyo mulindu ukkede awo, oyo Ngwe ntana bwene muntu ulibilika loko, mukaintu wa mukutausi, kaindi buyo kasyoonto kainda. Elyo Mwami wakandi tondezya cilengaano cakwe kacikkede alya, nkabela Nda kamubona. Waa kaita ku New York, elyo waa kali kuyanda kusobelela atala awa. Waa kajisi buyo maminiti osanwe, mpawo kamubona mulumi kaciswa maausa, alimwi cintu cakaleta mausa kwakali kuyandisya kwakwe ku mukaintu wakwe. Leza Singuzuzyonse, kotontozya oyo mwanakazi ukkede alya. Uli kkede, kandi langide eno. Aboobo, alimwi akwalo Ndi yanda ku kwaambila, mukwesu, mausa ako amana. Mwabona? Inzya, uyooba kabotu lino a kubweeda mu mulimo wa Mwami.

¹⁴ Lino, cindi wabona cintucimwi eco Mwami nca cita, to—to konzyi buyo kuzula ali ncico. Yebo uyanda buyo kuzumanana, kuzumanana, kuzumanana, kuzumanana.

¹⁵ Elyo, lino, busiku bwainda twa kajisi kuswaangana kupati kwa mipailo, alimwi eco ncibotu, kuli kabotu. Kubikka maanza aa balwazi, eco ncintu cibotu. Nkukoonse nko citola, ciindicimwi. Elyo mpawo kuli bamwi bali kuli cintucimwi kusule okuya, kuti taba—taba konzyi kujata, alimwi weelede kujana muntu oyo a kuziba eco mbo cibede. Mwabona, kuli cintucimwi eco cibasinkila, cintucimwi cibambidwe mu nzila. Elyo cimvule comwe ciniini ciyo cinzwiima kuzwa.

¹⁶ Lino, mulindu muniini omuya kaindi kainda, waa kalibilika loko, kunyongana loko. Muntu muniini uutakweankwaya, ta kakaonzya nokuba kuba akuyoya kwakwe. Waa kali kucita buyo kuti, “*patya, patya,*” a kuyabuya buyo—buyo obo, mwabona.

¹⁷ Lino, cintu nco elede kucita. Nceeci buyo ciniini mukati, mwabona. Nku jata muuya wakwe. Mwabona? Elyo mpawo uli mukutondezya muzeezo wako nguwenya. Mwabona? Elyo wacinca kuyeeya kwako. Mwabona? Mpawo cind cacita ceeco, mpawo inga wamusimpika ali Kristo, elyo kuzwa awo inga wazumanana. Pele weelede kucinca nzila yakwe ya kuyeeya, mwabona. Ta konzyi kulicinca mwini. Walo uzuzila buyo muciiimo ca kambizi, nkabela weelede kujata ceeco. Lino kuli cintucimwi ciniini eco cikupa bamwi. . . Muta soli ku cilingula; muta ciciti. Amu cisyome buyo a kuzumanana.

18 Mbobuti oyo muvwanda munini mbwakonzya, ulede awo mu maboko ayo amutumbu, wa kafwide kuzwa ciindi ca naini okuloko cifumo eco, alimwi munzila buyo busiku mu busiku obo, wakali kuli oyo muuya musyoonto? We elede kuunka kuyo jana oyo muuya aku ujosya. Elyo mpawo cindi wa cibona kacijoka, mpawo inga wabuka mu Zina lya Mwami a ku ciita. Mwabona, mpawo ciyo citika. Pele mane wacita ceeco, usowail byo kuyeeeka kwako, wabona.

19 Tacili cintu—cili coonse camaseseke loko. Nku jana Leza, kuli gusya lwako munzila akulekela Muuya Uusalala kukubbelesya kuli conse Nca yanda kucita. Nce ncico. I cintu cipati, ca cipego cimwi, nku gusya mizeezo yanu ini, a kulekela Kristo. Mpawo kufumbwa cintu Nco lyakaamba, ikuti na uyanda kuziba naa ngu Kristo na pe. . . Kunyanyamukwa buyo, ko cisiya cilikke. Pele ikuti na nku limvwa buyo, kosiya oyo alikke. Pele ikuti na kuli lembedwe mu Ijwi, nkokuti ngu Leza. Lyoonse kubeteka zintuzyonse, kuti muuya umwi ula kwaambila, kwiinda ku Ijwi. I Ijwi, taka soli kulitantamuka eelyo Ijwi; ikuti na wacita, uli sweekede.

20 lino, nkambo inga twa kkala mane ciindi cacalangabwaasame, kwaambaula boobo, atu jule buyo mu Bbaibbele a kubala Magwalo amwi awa. Elyo mpawo tuyo. . . Nda liyanda Ijwi lya Leza. Ndi lizi toonse tula cita. Lino sena tii twa kajisi. . .

21 Ndali kuyanda kukambauka, cifumo cino, na kwaambaula, kuyiisya kwiiya kwa Munsondo, aa maseseke aasisidwe aa Leza kuzwa ku malengelo aa inyika, mu kuyubununwa muli Jesu Kristo. Alimwi Nse jisi coolwe ca ku citobezya coonse. Nda luba kujatikizya mucado kuboola, aboobo ndiza Ndi—Ndi ambweni kujana ciindi citobela kwiinda.

22 Lino Ndiyo bala amwi kuzwa mu masena otatwe mu Bbaibbele. I citaanzi, Ndi yanda kubala kuzwa ku ba Filipino 1. I cipati 1 caba Filipino, kutalikila kampango ka 19, a kubala akwalo kwiinda mu 22.

Nkambo Ndi lizi kuti eci ciyo sandukila ku lufutuko lwangu kwiinda mu mupailo wanu, a kupa kwa Muuya wa Jesu Kristo,

Kweendelana ku kulangila kwangu kusinizizye a bulangizi bwangu, kuti muli cimwi Nta kausibweeme, pele kuti a camba coonse, mbuli lyoonse, mbubonya lino akwalo Kristo uyo yubululwa mu mubili wangu, naa kuyooba ku buumi, na ku lufu.

Nkambo kuli ndime kupona ngu Kristo, a kufwa ni mpindu.

Pele ikuti na Nda pona mu mubili, obu mbulumbu bwa milimo yangu: nekubaboobo eco Nce. . . sala Nse ciciti.

23 Lino omuya mu Bbuku lya ba Roma. Elyo tu yanda kutalikila a cipati ca 8 caba Roma, a kampango ka 35, ku kuyaka ali ceeco Nce yanda kubweza ku cibalo.

Nguni uyo twandaanya kuzwa ku luyandisyo lwa Kristo? sa mapenzi mapati, na mafwabi, . . . kupenzegwa, . . . inzala, na cinswe, . . . ntenda, . . . panga?

Mbuli mbo kulembedwe, Nkambo kangu tula jaigwa toonse . . . buzuba boonse; tula balwa mbuli mbelele ziya kukujaiywa.

Peepe, mu zintu ezi zyoonse tuli basikuzunda bainda muli nguwe oyo waka tuyanda.

Nkambo Nda lamwa, kuteeti taakwe lufu, nanka buumi, nanka angelo, nanka beendelezi, nanka nguzu, nanka zintu ziliko, nanka zintu ziciza, nobuba . . .

Nanka zyakujulu, . . . zyakunsi, na cilenge cimbi, ziyo konzya ku twandaanya kuzwa ku luyandisyo lwa Leza, luli muli Kristo Jesu Mwami wesu.

24 Mu Incito 2, a kampango ka 30:

Nkikaako mukuba musinsimi, a kuziba kuti Leza waka konkezya a cikonke kuli nguwe, ku lunyungu lwa cikungu cakwe, kweendelana ku nyama, uyo busya Kristo kuti akakkale aa cuuno cakwe cabwami;

25 Lino olu Ndugwalo lunji, kubaanga luunka koonse kuzwa kubusena bomwe kuya kuli bumbi, mu Bbaibbele. Pele tu lizi kuti, ikuti na olu Lugwalo lunji lwa bala, tuyo jana cintucimwi Omuya ciyo—kuyo tugwasya. Lino akube kuti Leza atu gwasye lino, mbuli Mbwe yanda kubweza ciyo eci, cifumo cino, mbuli ijwi lya cimaninizyo: *Ii Cimaninizyo*.

26 Lino swebo, cindi ni Nda kali kulangalanga cibalo eci, Nda kainka ku dikishonari. Nda kayeeya, “Inzi? Muntuumwi ula zumanana kwaamba kuti, ‘Okò nkumaninizya, bwini. Cimaninizyo, eci ncencico.’” Nda kayeeya, “Ino bbala nzi eelyo? Ino caamba nzi, *cimaninizyo?*” Elyo Nda kaunka ku dikishonari kuyo ziba eco nco cakali kwaamba.

27 Webster waamba kuti “mbulondosi muli lwaco, kutagola mu nguzu zyazyo, kapati mbaakani.” Mwabona, “kutagola mu nguzu zyazyo, kulondoka muli lwaco, alimwi calo ni mbaakani ncobeni,” ibbala *cimaninizyo*.

28 Elyo Ndi yanda kwaamba ceeci, a kusyoma kuti muyo jata majwi aya, nkaambo Nseli mupaizi wakayiisigwa mu nzila ya, a nzila ya kulilemeka kwa mizeezo kuleta cintucimwi cibotu cikwelelezya cikonzya kujata bantu. I cintu biyo Nce cita, nkusola kucita bubotu loko Mbwe konzya, ku kaambo ka beenzuma abo Kristo mba kandipa, elyo Ndi—Ndi—Ndi yanda kuti babone obo muyeeyo wangu kujatikizya Kristo.

²⁹ Lino, kuzwidilila koonse kupati kwaangwa ku cimaninizyo. To konzyi kuzuza buumi kakutakwe kuba a cimaninizyo. To konzyi kubamba kuzwidilila kakutakwe kuba cimaninizyo, nkambo nciimo camamanino. Kalo i—kalo nkaanzikilo katulengelela ku magolelo a lweendo. Mbusena oko nko angidwe ku cintucimwi.

³⁰ Mu buzuba mbo tuponamo eno, alimwi zintuzyonse zili palangene loko, abutyole loko aku tolwa, Ndi yeeya kuti oyu Mulumbe inga waba cintu ceelela loko, kapati ku Banakristo cindi nobakali kwiinda mu meenda abo malamfu lino. Mbungano ya Banakristo inda mu maanzi malamfu nko yakajisi kwa myaka ili zyuulu zyobilo zyamamanino. Nkaambo, tu boola ku kasena oko kuli cintu cimwi citondezegwa ku Bunakristo, cintucimwi nco beelede kubamba muzeezo, alimwi Ndi yeeya kuti mbungano ya Bunakristo yeelede kuba a cintucimwi kuteeti ilizi ilaangidwe nkuko, mubusena bwa kwiimpauka buyo mbuli tuvu atala lya maanzi, ku muuwo. Mbuli Bbaibbele mbo lyakati, “Kutontaika konse a muuwo wa njiisyo.” I myuwo ilasika akufulida tuvu liniini munzila *eyi*, elyo mpawo muuwo umbi wasika, muuwo wakunyika, muuwo waku musanza, muuwo wakujwe, muuwo wa kumbo. Taka soli kusika kuli konse, to sitikide. I buumi bwa Bunakristo bweelede kuba buumi busitikide. Ceelede kuba cintucimwi eco—eco ca mulawo calo—calo nco wangidwe ko, eco ciinda buumi mwini.

³¹ Alimwi weelede kuba acintucimwi nko wangidwe. Bantu bamwi baangidwe ku mpindu zyabo. Bamwi baangidwe ku mikwasyi yabo. Bamwi baangidwe ku kayanda kabuzumini. Bamwi baangidwe ku mbaakani ya mpi. Tu jis zintu zyandene nko twaangidwe. Pele Ndi yeeya kuti, mbuli Munakristo, tweelede kwaangwa awo mpo tuzi kuti uli luleme, mwabona. Nkaambo, inga waangililwa ku mukwasyi wako, alimwi mukaintu wako—wako inga wamuleka. Inga waangililwa ku mpi, alimwi inga wa jaigwa. Alimwi inga koangidwe ku zintu zimwi zyandeene, alimwi cijisi magolelo. Pele kweelede kuba mbaakani yamamanino. Kweelede kuba abusena bumwi obo—obo muntu mbwa elede kwaanga magolelo akwe Aatamani. Nkaambo, ikuti na uyo cisyoma mu mulimo wako, cindi ncito yako yamana, ca citwa. Cindi mukwasyi wako watolwa, wamana.

³² Pele kuli cintu comwe biyo eco Nce yeeya kuti ni mbaakani yamamanino. Elyo Nda syoma kuti Paulo waka jisi caanzyo mu buumi bwakwe okuno. Elyo Ndi yanda ku—ku lubazu mukati, ikuti na twa ciita boobo, a kukanana aa mbaakani eyo. Wa kati, “Kuli ndime kupona ngu Kristo, a kufwa nku jana.” Lino, Kristo wakali Cimaninizyo ca Paulo. Cakali cimaninizyo cakwe. Wa kali wakwe. . . Akali mamanino a kukazya koonse. Wa kali Kristo, wakali cimaninizyo cakwe.

³³ Paulo taka jisi mbaakani eyo lyoonse. Wa kali angidwe ku

nkamu ya ba Farisi. Alimwi wa kayiisigwa akwiya, kutegwa ka bamuzumina aku mulekela kulyaanga ku mbaakani yabo. Pele buzuba bumwi wakali mu lweendo kuselemukila ku Damasiko, elyo wa kaswaana Jesu, busyu a busyu. Elyo kuzwa awo wa kyangulula kuzwa ku mbaakani yakwe ya Bufarisi; a kulyaanga alubo, kuti Jesu Oyo ngwa kazi waka bambulwa, wakafwa, a kubuka alubo. Paulo wakali cizi nkaambo wa kaswaana kuntu. Eco caka mucinca mpoonya alya. Ta kacili mbubonya kuzwida ciindi eco. Ta kaswaanga bbuku buyo. Ta kaswaangana ii—ii kayanza kabuzumini. Wa kaswaana Muntu, Jesu Kristo. “Ino Nduwe ni, Mwami?”

Wa kati, “Ndime Jesu.”

³⁴ Atu yeeye kusanduka oko, kwa kaindi kaniini. Nda syoma kuti Paulo wakali muntu usinizizye. Mukuba kuti eci ncikolo ca Munsondo, tu yanda ku ciyiisya mbuli cikolo ca Munsondo. Paulo, Ndila syoma, wa kali muntu, usinizizye kusakana, alimwi kwa—kwa kanyina cintu kujatikizya nguwe cakaimpene bumwi kuzwa kuli umwi umbi.

³⁵ Boonse abo basinsimi bakali bantu mbuli biyo ndiswe. I Bbaibbele lya kaamba boobo. Musalali Jakobo 5, “Eliya wakali muntu uulya maila mbuli ndiswe,” wa kajisi kupilauka kwakwe, bubotu a bubu bwakwe, “alimwi wa kapaila cakusinizya kuti invula kiitawi.”

³⁶ Elyo Paulo wakali musyobo nguwenya wa muntu mbuli ndiswe. Wa kajisi kunyonganisigwa kwakwe, kuzumbauzya kwakwe. Elyo wa kali muntu uusyomeka. Wa kali kuunka kuli kamwi ka tukamu twa bukombi mbotu maningi ako kakaliko mu nyika. Elyo wa kali kuba mwiiyi wa kakamu ako; kayiisigwa kubweendelezi bwa mwiiyi mupati, Gamaliyeli, oyo wakali umwi wa bamayi bapati maningi ngo baka jisi ba buzuba. Baziyali bakwe bakabona kuli ncico, kabona kuti kwakali cintucimwi mu buumi bwa Paulo, a kubeleka canguzu ku mutuma ku cikolo, kuti akonzye kuyiisigwa mu milao yoonse ya Leza. Elyo, a kusinizya kusakene, wa kasyoma ijwi lyoonse lya ncico.

³⁷ Elyo wa kamvwa musyobo oyu wa nkamu ya bantu baansi, a nzila mbo kwakali musinsimi, wa kategwa, ku nkamu Yakwe, wa kabuka mu Galilaya, wa keelede kucita maleele akuponya baciswa. Pele kakamu kakwe—kakwe kakapambukide nka kalikuzulilwa nika atatambula oyu Muntu mukuba musinsimi, oyu Jesu waku Nazareta, nkaambo Ta kalizibya Mwini a mbabo. Aboobo Paulo ta kaciinkila, nkaambo kakamu kakwe kapambukide ka—ka bantu tiikaka Ci syoma. Elyo baka mucenjezya kulwana cili boobo.

³⁸ Elyo Paulo, mukuba uusyomeka, kayeeya, “Ikuti na eci cintu tacili ca Leza, alimwi mbungano yangu yaamba kuti tacili ca Leza, mpawo kuli cintu comwe luzutu cakucita, nku cigwisya.” Kati, “Kozwa mu nzila, nkaaambo cili ii...inga

caba cisinkilo, inga caba cikoto, maliginansi,” kulwana kakamu kakwe kapambukide kakusyoma. Aboobo wa kakanza mu moyo wakwe kuti uya kuunka a kutenda eyi “malinginansi,” mbuli mbwa kayiita, na mbungano yakwe yaka ciita, kutantamuka ku nkamu yakwe ya Bufarisi.

³⁹ Buzuba bumwi, a magwalo mu nkomo yakwe, kuzwa ku mupaizi mupati, kuyoanga bonse abo bantu bakali mu ciimo eco, nkaambo oyo akali nooba malailile Paulo nga kalino bamba. Wa kali mu lweendo lwakwe kuselemukila ku muunzi uutegwa Damasiko. Ba kabacitya kubatama kumusanza, koonse mu Jerusalema. Aboobo wa ka—wa kaumide Stefano amabwe, elyo Paulo wa kamuma mabwe, kupa bumboni akujatilila bbakki. Lino wa kali kunga wainka kunselelo awa a kucita cintu nciconya, a kugwisya cisinkilo eci cipati.

⁴⁰ Pele makani, kweelede kwakali kutandila ku ciindi cakalangabwaaseme, kutandila ileveni, twelufu okuloko, wa kauminwa ansi. Elyo cindi na kacita, wa kalungumana nkabela ngooyo Mumuni wakaimvwi kumbele lyakwe. Elyo Jwi kalizwa mu Mumuni oyu, kalyaamba kuti, “Saulo, Saulo,” mubuzyo, “nkaambonzi nco Ndi penzya?” Lino Paulo wakalizi, na Saulo, mubwini, kalizi kuti bantu bakwe kali kutobela Mumuni oyo nguonya kuzwa ni bakayutuka kuzwa mu Egepita. Elyo ikuti. . .

⁴¹ Sena mwaka sola kubona busanduluzi bwa Lamsa ibwa Bbaibbele, i cakaindi. . . I—i citondezyo cakaindi ca Cihebrayo ica—ica Leza Mumuni waciimo ca triango; kutandila, cintucimwi mbuli *ceeco*, kuti bube botatwe bwa Leza, mu Buleza bomwe. Elyo oyu Mumuni wabutatu, botatwe muli Omwe, mukuba Leza omwe, cakali ii—ii citondezyo ku Cihebrayo, ca Leza, Mumuni.

⁴² Elyo mpawo cindi Musa naka Mu swaana mu citeo, mpawo Wa kati, “NDIME,” oyo ucili mbubonya, zgotatwe; jilo, sunu, amuya myaaka, ucili Leza nguwenya. Elyo Musa waka Mu swaana mu citeo ciyaka mulilo. Wa kali Mumuni. Elyo cindi Na kasololela bana ba Israyeli kuzwa mu nkanda, Wa kali Angelo wa cipangano, kuti Musa ku lusyomo wakabona, a kusiya Egepita, wakeezeezya kusampaulwa kwa Kristo kuba lubono lunji maningi kwiinda olo lwa Egepita. Ku lusyomo, Musa wakabona kuti oyo wakali Kristo, Bunanike. Elyo Bunanike tii bwakali aa muntu umwi, pele Bwa kali mu ciimo ca Musumpululu wa Mulilo. Mwabona?

⁴³ Elyo mpawo obo Bunanike mbubonya bwaka seluka aa lubbizyo Lwakwe, a kuunka muli Kristo akukkala muli Nguwe. Johane wakalizi kuti wakali Nguwe. Wa kati, “Atala ali Nguwe uya kubona Muuya waka basololela kuzwa mu Egepita kuya mu nkanda, a kuzwa mu nkanda kuya mu nyika ya cisyomezyo, aali Nguwe muyo bona ciimo eci cabutatu ca Leza kaselemuka

a kukkalilila, Ngo Nguwe uyo bapatizya a Muuya Uusalala a Mulilo.”

44 Lino Paulo takaninga kuba acoolwe cakubona ceeci. Pele kucibamba buyo kuba bwini, kuli ndinywe, ba Juda bakasigwa loko kufugama kumbele lya mutuni, na kufumbwa cintu mbuli eco! Lino cindi na kabona oyu Mumuni mupati, wa kalizi kuti oyo wakali Mwami. *Mwami* caamba “ciimo camukamwini, ku bweendelezi bwa ncico.” Na—na ta kaita cintu cili conse kuti “Mwami,” oyo wakali Muhebrayo usinizizye, cindi na kaziba kuti Uulya wakali Muuya. Pele amubone, wa kalizi kuti nguonya Musumpululu wa Mulilo wakali Umwi waka sololela bantu bakwe. Elyo mpao wajoka akuti, “Mwami, Ino Ndu weni? Ino Ndu weni? Ndi yanda kuziba kuti Yebo Nduweni. Wa kaswaana Musa mu zina lya ‘NDIME.’” Pele Njo ima alya a muyeeyo wabo, aniini buyo.

45 Jesu, cindi Na kali aa nyika, kanaanikidwe a Ceeco ncoba kabona, amubone, Wa kati, “Nda kazwa kwa Leza,” i Muuya, Mumuni, Musumpululu wa Mulilo, “alimwi Ndi bweedela kuli Leza.” Elyo Wa kaba mu mbili wabuntu kutegwa afwide zibi zyesu. Mpawo kwiinde lufu, kuzikkwa, bubuke Bwakwe, a kuya kujulu, Na kamana kutanta kujulu; aa mazuba ali makumi one, Wa katanta kujulu; alimwi aa buzuba bwa makumi osanwe, Wa ka bweeda mu ciimo ca Musumpululu wa Mulilo, aakati ka bantu, a kulyandaanya Mwini, mbuli myaambo ya mulilo, a kukkala ali umwi aumwi wabo. Elyo mpawo boonse baka zulwa Muuya Uusalala, a kutalika kukanana mu myaambo imbi, mbuli Muuya mbuwa kabaambya.

46 Mwabona, Leza kalyandaanya Mwini; Leza lutaanzi mu Musumpululu wa Mulilo mupati; Leza waka yubululwa mu mbili wabuntu; lino Leza kalyandaanya Mwini akati ka bantu Bakwe. I Musumpululu wa Mulilo kausabalangana, akukkala atala lya umwi aumwi wabo, mbuli tubeela twa mpanda zya mabangabanga amulilo, milaka iipasaukide atala lyabo, mpanda zya mulilo, milaka iipasaukide mbuli mulilo atala lya umwi aumwi wabo. Elyo boonse baka zulwa a Ceeco, a kutalika kukanana mu myaambo, mbuli Muuya mbuwa kabaambya.

47 Lino, nywebo mwabona, tatuli bantu bapambukene, twe elede kuba mu kukamantana, nkaambo umwi aumwi wesu kajisi cibeela ca Leza. Elyo tweelede kuboola antoomwe, alimwi mpawo Musumpululu wa Mulilo ula tondezegwa muli oyo omwe, mu buzule bwa Nguwo; cindi Mbungano Yakwe yakkala antoomwe mu masena Aakujulu, mpawo buzule bwa nguzu zya Leza buli mu Mbungano Yakwe. Umwi aumwi wesu kajisi zipego zya kumuuya a maofesi aa kumuuya, kuboola antoomwe, kuleta oyo Musumpululu wa Mulilo alubo.

48 Elyo Paulo wakauziba oyo mukuba Mwami, nkabela wa kati, “Mwami, Ino Ndu weni, na Ndila Ku penzya?”

49 Wa kati, “Ndime Jesu, alimwi nciyumu kuli nduwe kusansa cibinzyo.”

50 Elyo Paulo waka laililwa kubuka a kuselemukila mu kagwagwa kategwa, “Cigaminina.” Elyo kwakali musinsimi okuya oyo wakasika, wa zina lya Ananiya, a kubona cilengaano, aku mubbizya. Elyo wa kali kumusanza mu Arebiya, kwa myaka yotatwe, kuyoiya Magwalo, kuyo bona makani a oyu Musumpululu wa Mulilo ngu wakalibonya kuli nguwe.

51 Lino tu jana kuti Paulo, buumi bwakwe boonse, kajisi obo ku mbaakani. Wa kaswaana Leza, busyu ku busyu, alimwi waka tumwa a Leza. Ino ni mbaakani! Ino ncimaninizyo! Ayo akali magolelo akukazya konse. Ayo akali magolelo a cili conse kuli Paulo. Nkazyanyo zyonse, cintu cili conse caka mwaika. Ta ndikwe makani eco ba Farisi ncoba kaamba, ba Saduki bakaamba, na kufumbwa muntu umbi; wa kaswaana Leza kasimpikizigwa kwiinda ku Ijwi, eco caka cibamba! Obo bwakali buumi bwakwe boonse. Nkaambo wa kabona Leza katondezegwa, alimwi waka tondezegwa kuli nguwe kuti Wa kali Leza, kwiinda ku Ijwi, alimwi ku bupange a ciimo omo Mwa kabede, a ku Jwi limvwika lyaakanana kuli nguwe mbubonya mbo cakabede. Lino, eco cakali cintu cipati. Ta cigambyi wa akakonzya kuti, kumbele lya i—i Agripa, “Nse kaunduluzya cilengaano Cakujuu.” Wa kaangwa kuli ncico. Kwakali cintucimwi cini, cintucimwi nca kaziba, cintucimwi eco umwi ncata kali kukonzya kuzwa kuli nguwe.

52 Lino, sunu, ikuti na tula syoma buyo mu lwiiyo, na ii—ii nzila ya muncini wa—wa lwiiyo kupandulula Bbaibbele, mpawo tu cijisi biyo kuzwa ku ii—ii muzeezo wa miyeeyo. Pele taakwe muntu ujisi nguzu kunze lya cikambaukilo eci, kukambauka Makanimabotu, citakuti wasika ku busyu a busyu kuli Ngawo.

53 Mbuli Musa, kunze lya lukula, takukwe makani obo mbwa kayiide kabotu, kufumbwa cintu cakacitika; kuyoowa a kunyongana kwakwe kwa kamana nkaambo wa kaimikila a busena busetekene a Leza, cakuti taakwe umwi waka konzya kucigusya kuli nguwe.

54 Elyo mwaalumi na mwanakazi oonse ujisi luzibo a Leza, wa swaana oyu nguwenya Musumpululu wa Mulilo aa mbaakani zisetekene zya moyo wako. “Kwiina silwiiyo lwabukombi, taakwe dyabulosi, taakwe cintu,” Paulo wakati, “taakwe ciliko, taakwe ciciza, lufu, malwazi, buusu, inga bwa twandaanya kuzwa ku luyandisyo olo lwa Leza, luli muli Kristo Jesu.” Ni mbaakani. Uli zyi kuti cintucimwi cakacitika. Takukwe makani kunji sayaansi mboi nyamuka a kwaamba *ceeci*, *eco*, na *cimbi*, ulaangidwe. Yebo a Leza baba bomwe. Uli muli nduwe, alimwi uli muli Nguwe. “Ku buzuba obo muyo ziba kuti Ndili muli Taata, Taata muli Ndime; Mebo muli nduwe, a yebo muli Ndime.” Yebo ulaangidwe kuli Nguwe.

55 Elyo Paulo waka jisi i—i buumi buyeeme kuli Kristo. Bwakali buumi bwandeene kwiinda mbwa kajisi ciindi cimwi. Wa kajisi muzezo walwiiyo lomwe; pele lino ujisi buumi buyeeme kuli Kristo, cimaninizyo. Takukwe makani kunji obo Agripa mbwa kakonzya kwaamba, “Yebo, wa sondoka, Paulo. Yebo wasweekelwa mizezo yako. Yebo, wakaiya maningi.”

Wa kati, “Nse sondokede.”

56 Elyo mpawo waka sika kuli Agripa, ku nzila ili boobo kusikila wa kati, “Yebo utandila kundi sungilizya kuba Munakristo.”

57 Wa kati, “Ndi lombozya kuti nokaliko, kunze biyo . . . mbuli Mbwe bedede, pele zyaanzyo aya.”

58 Ci kubamba kucita zintu, cindi wajana buumi busimpikidwe ali Kristo mbuli Paulo mbwa kajisi, cabuntu buyo inga tocicita. Lino amulange. Mbulilyonse, oyo muntu wakayiisigwa mu i—i Magwalo a zintu, cabuntu buyo na katobela eyo nzila nja kayiilamo. Pele cindi na kaba . . . a kubamba Kristo Cimaninizyo cakwe, Mbaakani yakwe, mpawo kwakali buumi bwandeene. Wa kacita bwandeene. Wa kacita zintu zinyongene, kuli ceeco nca kayiila cimwi ciindi waka yiisigwa kucita. Alimwi ciyo cita cintu nciconya.

59 Ikuti na mbungano yaleya kuzwa ku Kkanso eyo ya Mabungano, a kujoka a kubamba Ijwi lya Leza mbaakani yabo, kubamba Ijwi lya Leza kuba mbaakani yabo, eco inga cacicita. Pele bakasola kubamba kuzwidilila kwa kabambwa amuntu. Alimwi caka leelede kuwa. Ee, Bbaibbele lyakati baya kucicita. Pele kuyooba Nabwiinga oyo waka salwa kuzwa ku malengelo aa inyika, oyo uya kujata ku mbaakani eyo.

60 Nda konzya kubona Butamani kabuzwa, kuselemukila mu ciindi, kuzwa ku Edeni. Elyo, cindi ni Ca kacita, mpaawo kwa kaboola mundando wa Bulowa, lweendo loonse kuya kutala ku Kalivari; alimwi kuzwa ku Kalivari, kaangidwe a munzila eyo, akuzumanana ku mbaakani, Jesu. Elyo buzubabumwi cindi A boola kutaminina Bakwe beni, boonse abo baangidwe ku mbaakani eyo bayo busigwa mu Butamani. Nkaambonzi? Ba kali mu Butamani ciindi coonse. Ba kakanzwa mu Butamani. Bali cibeela ca Leza. Ba kali mu kuyeeya Kwakwe ku matalikilo. Elyo cindi eyo ntambo mpati ya donswa, ya nzila ya Bulowa, eco Citondezyo Nce kali kukanana, cindi nicaka sika kuzwa mu nyika, bantu boonse abo baka sanganisigwa mu Bulowa obo bayo loka moonya mujulu mu Butamani alubo. Pele nzila buyo mbo ciyooba, iyo angidwe ku Cimaninizyo eco, Jesu Kristo. Calo ncimaninizyo! Kutali kuzwidilila kwa muntu; pele Leza waka Mu busya kuzwa ku bafu, alimwi Walo Ncimaninizyo. Elyo tu lizi kuti Ula pona, nkaambo ngooyu Uli andiswe mu Nguzu zya bubuke Bwakwe, kacita cintu nciconya Nca kacita cindi Na kali ano aa nyika.

61 Ndili angidwe ku Mbaakani eyo. Ayo mamanino a nzwango zyoonse. Ndi laangidwe kuli ncico. Obo mbuumi bwangu. Nda kali sizibi cindi Kristo naka ndifutula. Nda kaswaana Cintucimwi. Elyo kuzwida ciindi Eco nicaka njila muli ndime, cali—cali andeene. Elyo Ndi laangidwe kuli ncico, zintuzyonse obo Mbwe bedede zilaangidwe mpoonya alya. Elyo mpawo Leza kapambula buumi Bwakwe, akundi lekela kupona muli Nguwe, a Walo muli ndime, mpawo tu laangidwe. Ndi. . .

62 Ta cibambi lwandaano lumwi eco bamwi ncoba yanda kusyoma. Ku mugame, ulaangidwe kuli Ceeco. Eco nce citomono cako. Eelyo i. . . elyo ndi bbala lya mamanino. Elyo mpawo ikuti na Walo ndi Ijwi, nkokuti *Eli* lyelede kuba ijwi lya mamanino. Eli lyelede kucibamba. Kufumbwa Ako nco kaamba, Ako nka tambo kasubila. Oyo ngu Kristo. Alimwi kufumbwa cintu ciimpene kuli Eco, taakwe nce Ndi zyi kujatikizya ncico. Eco ncotu yanda kuziba, nceeco Ijwi eli nco lyaamba; nkambo Nda angidwe kuli Kristo, alimwi Kristo ndi Ijwi. Mwa cimvwa lino?

63 Elyo cibeela ca Ijwi Lyakwe eco cakabikkilwa buzuba buno, Muuya Uusalala wakwe uli waano kuyubulula caabilo eco ca Ijwi.

64 Mbuli buyo mbo cakabede kaindi kuya ku kuzyalwa Kwakwe. Isaya 9:6. Muciindi coonse mu Magwalo, zintuzyonse zya kaambwa a Nguwe, zya kazulila. Omuya mu Bbuku lya Luka, twaamba kuti cili. . . tula cibona eco. Elyo Wa kali mamanino, Wa kali i—Wa kali magolelo aa cisinsimi, awalo, Cakwe. Wa kazulizya eco, makani aakale, inyimbo, zintu zyoonse mu Cizuminano Cakale, ezyo zyaka kanana Nguwe, caka zulizigwa mpoonya awo. Eco cakaba mbaakani. Eco cakaba cimaninizyo ca Ijwi lya Leza ku bukkalo obo.

65 Elyo bantu beni bakazyalululwa iba bukkalo obu, abo bazwide Muuya Uusalala, ni mbaakani ya Lugwalo olu lwelede kuzulizigwa mu mazuba aya akumamanino. Ni mbaakani. Ni mbaakani ya Leza, nkaambo ndi Ijwi Lyakwe; alimwi Ijwi ngu Kristo, ni mbaakani. Takukwe nzila yakuzwa kuli ncico. Cintucimwi eco cikujata.

66 Mbuli mbo Nda amba, cikubamba kucita zintu nzo takonzyi kucita kanji. Ca kabamba Paulo kucita zintu nzya takalino cita cabuntu. Ca kacitya Musa kucita zintu nzya takalino cita cabuntu. Ci bamba mwaalumi a mwanakazi oonse kucita zintu nzoba takali kuno cita mbuli lyoonse. Calo ncintucimwi cakuti uli—uli simpidwe kuli ncico. Calo ncintucimwi, Nci sitikizyo cako. Cili mbuli i. . .

67 Ni nkasi ku bwaato. I bwaato bulaangidwe ku nkasi, mu ciindi ca guwo lyamvula. Elyo ikuti na Kristo Ncimaninizyo cako, uli angidwe kuli Nguwe. Mu ciindi ca mapenzi, bwaato, ikuti na wabulekela kuzungaana, buya kwandauka ku i—i—i—i myaala. Pele eco ncoba cita, balosya inkasi. I inkasi ila

kwakwalika kusikila yahaka ku ntalisyo ya myaala. Elyo bwaato bulaangidwe ku nkasi. Calo ncitomeno ca bwaato.

⁶⁸ Elyo Munakristo wakazyalululwa ulaangidwe kuli Kristo, alimwi Bbaibbele ni nkasi. Nce cintu nko tuangidwe. Lekela tubunga, lekela cintu candeene, lekela sayaansi, lekela basikuyiisya kwaamba cili conse ncoba yanda. Kufumbwa kuti elyo Ijwi lya caamba aku cisyomezya, tulaangide kuli Ceeco. Kuli cintucimwi cita katulekeli kuzwa kuli ncico. Mbo mbubo. I Munakristo wini wakazyalwa, bala kkala a Ijwi eelyo. Ikuti na Lya amba cintu cimwi cakucita, a nzila yaku cicita, eyo nje nzila mbo tweeleda kucicita. Takukwe makani eco kufumbwa muntu umbi ncaamba, Obo mbombubo Leza mbwa kaamba. Tu laangidwe kuli Ceeco, bumi buyeeme kuli Kristo.

Kristo, alubo, cili mbuli Nyenyeezi ya Kunyiika.

⁶⁹ Nywebo mulizi, inyika ilazunguluka. Elyo nyenyeezi, nconzyo, nzomu bona mbuli nyenyeezi yaku mangolezya, akwalo ni nyenyeezi yaku bucedo. I inyika ila zunguluka buyo. Pele ila sobelela kuzwa ku nyenyeezi ezyo, zyoonse cita nyenyeezi ya kunyiika. Lino to konzyi kubikka kkampasi yako ku nyenyeezi yaku mangolezya a kusika kuli koonse, nkaambo cifumo citobela, inzi? Uli mu nyenyeezi yaku mangolezya kumbo, alimwi cifumo citobela uli kujwe. Mwabona, to konzyi kucicita. Pele inga wabikka ku nyenyeezi ya kunyiika, ameni, akwijatilila cakumaninina akati. Uyo zwidilila.

⁷⁰ Elyo obo bumi buyeeme kuli Kristo. Cindi wa sweeka, Walo ni Nyenyeezi yako yaku Nyiika. Mpawo, ikuti na Walo ni Nyenyeezi yaku Nyiika, Muuya Uusalala ni kkampasi yako, nkabela kkampasi iyo tondeka biyo ku Nyenyeezi ya Kunyiika. Ta cika tondekeli ku kansiyansiya na kabungwe. Ta katondeki ku kunyanyamukwa, na kufumbwa mbo cibede. Iyo jatilila anguzu ku Nyenyeezi yaku Nyiika. Walo ni Nyenyeezi yanu ya Kunyiika. Cindi wasweeka, inga weenda a tubungwe, azintu mbuli ezyo. Pele kkampasi, Muuya Uusalala, uyo kutondekela ncbeni nkoonya ku Ijwi, uli ngu Kristo, nkabela ula kujatilila cakutonkomana. Kwaanga kuli Ceeco.

⁷¹ Ino kuti nokwaatali nyenyeezi yaku nyiika, mbobuti muntu mbwa konzya kusola kujana nzila yakwe aa lwizi lwa sikunku? Ino na kwaanyina Muuya Uusalala wakumu lailila ku Ijwi lya Leza, ku Kuliubulula aku Li tondezya, ino inga twacita nzi mu oora eli? I Muuya Uusalala utondeka biyo ku Ijwi. “Muntu taka poneni ku cinkwa cilikke, pele kwiinda ku Ijwi lyoonse.” Kutali cibeela ca Ijwi; pele Ijwi lyoonse, lyoonse lya Ndilyo. “Lyoonse Ijwi eelyo lizwa ku mulomo wa Leza,” eco ncencico muntu ncaponena. Walo Ncimaninizyo cako mu bumi bwako, Akwalo ngu Nyenyeezi yako yaku Nyiika.

⁷² Nywebo mulizi, tweeleda kuba a cintucimwi, cimbi, kugozya mamanino aa nzwango.

⁷³ Nywebo mulizi, kwakali ciindi kulilemeka kwa ku tafule nikwa kayaamide ali ceeco mwanakazi nca kaamba. Ndi syoma kuti zina lyakwe wakali Emily Post. Kwayanda ndalubizya ali elyo. Ndi yeeya kuti lili luleme, Emily Post. Ta ndikwe makani na Emily Post wakati, “Kobweza cifulo cako a kulya i—i bunyangu ancico,” ezyio zyakali ziyanza. Nkaambonzi? Waa kali cimaninizyo ca ziyanza zya kutafule. Mbo mbubo. Ikuti na wakati, “Kamu zilya kubelesya maanza anu,” mula zilya kubelesya maanza anu. Nkaambonzi? Eci cisi caka mubamba kuba cimaninizyo, ku ziyanza zyakubelesya. Iiyi, munene.

⁷⁴ Kwakali ciindi eelyo Germany niya kajisi i—ii cimaninizyo, nkabela oyo wakali Hitler. Ca kali cimaninizyo. Ta ndikwe makani eco kufumbwa muntu umbi nca kaamba, cindi Hitler nakati, “Ko cicita,” ula cicita. Inga ncibotu. Walo ndi bbala lya mamanino. Hitler mbwakabede.

⁷⁵ Kwakali ciindi eelyo Rome niya kajisi cimaninizyo, alimwi oyo wakali Mussolini, mweendelezi wanguzu zimaninide. Ii muntu wa keenzya kuya kuli nguwe miniti lyomwe kufwambaanisa, wa kamu dubula mu mootokala wakwe aku mudonsela anze, kati, “Nse kaamba kuti miniti lyomwe kufwambaanisa, Nda kati konooba okuno aciindi.” Ii cimaninizyo! Kufumbwa nca kaamba, ba keelede kucicita. Ca kacita kunyona. Wa kati uyo bamba inyika yoonse kunyonena ku ijwi lyakwe. Lila zunguluka kwiinda ku Ijwi lya Leza!

⁷⁶ Kwakali ciindi Egepita niya kajisi cimaninizyo. Wa kali Farao. Nda kaselemukila ku Egepita ciindi cimwi, kubona buyo masena ayo. Elyo weelede kusya kuyaansi tukokola tuli makumi obile kuyo jana zyuuno zya bwami ezyo nzyo bakakkala, bulelo bwa Rome; cindi Ne kali mu Rome a kumusanza mu Egepita.

⁷⁷ Mwabona, ya kasanduka kujokela ku suko lya makani aakale, nkaambo wakali musyobo uulubide wa cimaninizyo. Mbo mbubo. Cili lubide. Ca kakakilwa. Zyakali zimaninizyo zya kabambwa aa bantu. Elyo cimaninizyo conse cakapangwa a muntu a kuzwidilila konse kwakapangwa a muntu kweelede kuba suko. Zyelede kuba suko. Walo musyobo ulubide, aboobo ula kakilwa.

⁷⁸ Amuyeeye buyo cisi cesu. Cindi twa njila mu mapenzi, ikuti na muntuumwi wacita cintucimwi, elyo bala cisola omuno ndiza mu ii—ii nkuta niini ya dolopo, nkuta imwi ya basilikali, mpawo ila zumanana, zumanana, elyo kumalekelo casika ku Nkuta Yiinda. Lino, Nkuta Yiinda ncimaninizyo ca cisi. Eco cila cibamba. Lino, mu Canada, beenzuma besu bazwa ku Canada inga baunka, kuzwa ku Canada, kuli Namalelo. Pele mu United States, ni Nkuta Yiinda. Eco ncimaninizyo. Ziindizimwi ta tuyandi kusala kwabo, pele tweelede ku swiilila kuli nkuko nekuba. Iiyi, munene. Ta tuzuminani a ncico, ta tuyandi muzeezo ciindicimwi, pele ncimaninizyo ca cisi eci. I cisi cili angidwe

kuli ncico. Ngu mamanino aa kukazya koonse. Cindi eyo Nkuta Yiinda yaamba kuti, “Wa zulwa,” wa zulwa. Twe elede kuba a ncico; ta tuciti, ta tujisi cisi. Ino kuti notwa tajisi cintu cili coonse mbuli eco? Masimpe. Kuli cimaninizyo ku zintuzyonse.

⁷⁹ Kuli cimaninizyo mu musobano wa bbola. Oyo ngu sikusibya. Ncibotu. Elyo ikuti na wati, “Yanywa,” obo mbo cibede. Takukwe makani eco nco wamba, eco Nce yeeya, nzila Mbwe kacibona, nzila mbo cibona. Nceeco nca kaamba. Calo ncimaninizyo. Ikuti na waamba, “Yanywa,” mweelede kuzuminana a njiyo, nkaambo eyo nje nzila mbo iyo lembwa, “yanywa.” Ino kuti nokwaatali sikusibya, lino nguni unga waba uululeme? Umwi wakati, “ya nywa,” Umbi wati, “tii ya nywa; lyali bbola, lyali ii . . .” Baa, inga mwaba alupyopyongano. Inga teemwa ziba cacucita.

⁸⁰ Kuleelede kuba amwi ijwi lya muntuumwi mpoli gozya. Ameni. Nda limvwa kabotu loko ndyoonya eno. Bulemu! Aleluya! Kweelede kuba cintucimwi eco camalekelo. Ndili kkomene kapati kuli ceeco. Oh, lino, kuli muntuumwi ukonzya kwaamba kuti, “Ncibi,” na, “Tacili cibi.” Ndili kkomene kapati kuli ceeco. Ndili kkomene nkambo ka cimaninizyo. Taakwe kukazyanya, takuyandikani kukazyanya. I sikusibya wakati, “yanywa,” obo mbo cibede; ko ceengela mu mizeezo yako, “yanywa,” a kuzumanana. Cindi Leza aamba cintu cili coonse, eyo nje nzila mboibede! Ta kuyandiki kukazya kujatikizya ncico. Obo mbo cibede. Wa kaamba boobo. Eco nce Cimaninizyo ca Bunakristo, nkuti ikuti na Munakristo. Leza wakati, “Ko cicita nzila *eyi*,” eyo nje nzila mbo ceelede kucitwa. Taakwe kukazyanya, “Ee,” wati, “cali . . .” Taakwe cintu kujatikizya ncico. Leza wakaamba boobo, eco cacibamba! Eco nce Cimaninizyo ku musyomi wini. Inzya.

⁸¹ Ino kuti nokwatali cintucimwi mbuli ceeco, nkokuli nko tunga twaba? Sa Methodisti inga kailuleme, Baptisti, Presbyteria, Lutherani, na njili inga ya lulama? Mwabona, inga twaba, nke kambo ncomu—ncomu konzya kuba alupyopyongano. Alimwi ako nke kambo. Ba kaangulula ku cimaninizyo eco, nke kaambo nco basweeka a nyenyeezi ezi zimbi.

⁸² Pele kuli cimaninizyo. Kweelede kuba cimaninizyo. Kuyandikana kuba cimaninizyo. Elyo nceeco cimaninizyo. Eelyo ndi Ijwi. Elyo eco bamwi nco baamba, tacikwe makani. Iiyi, munene.

⁸³ Lino, ikuti na tii twa kajisi sikusibya mu musobano wa bbola, boonse inga kaba kwelana masusu, a kukwankwana a kulwana. Mwabona? Ako nke kaambo nco tu yandikana cimaninizyo mu Bunakristo, kuleka oku kukwela masusu, a kukwankwana a kulwana. Mwabona? I Ijwi lya kacaamba, nkabela eco cila

cibamba. Muta Li bwezi na kugwisya kuli Ndilyo. Amu Ci siye buyo munzila mbo Ci bedede.

⁸⁴ Nywebo mulizi, kuli cimaninizyo ku trafiki, oyo mumuni usubila, cizibyo ku bweende bwa myootokala. Ino kuti cifumo cimwi ta cibeledi? Oh, ma! Sena kuli nimwakasola kunjila muli imwi yabo? Ndi jisi. Kwiina kuzumbauzya, kufumbwa namutekenya uli jisi. Ino kuti ayo malaiti aimika taa beledi? Mpawo boonse bano kwankwana. Beenzya alya, elyo umwi wati, “Ndali mutaanzi kusika awa,” aumbi wati, “Andi kwaambile cintucimwi, Nde elede kubeleka!” Oh, ma! Balo banakazi kaba vukauzya mapeesi, elyo baalumi kabalwana afwaindi, nkabela aambaula makani a lupyopyongano! Kweelede kuba cimaninizyo, cintucimwi caamba kuti, “*Eci* cili luleme,” nkabela nce nceico. Cindi malaiti ayo ati, “koima,” caamba kwiima. Cindi aamba kuti, “koya,” caamba kuunka. Ikuti na tacili obo, uli mupenzi.

⁸⁵ Elyo nje nzila mbo cibede mu buumi bwa Bunakristo. Kuli busena bwa kwiimina, alimwi kuli busena buyabuya. Ijwi lya Leza ngu Cimaninizyo eco. Oyo ngu Kristo. Iyi, munene. Ikuti na yebo . . .

⁸⁶ Ikuti na zizibyo zya bweende bwa myootokala taziyaki, mpawo tu jisi kusyondana kwa bweende bwa myootokala. Elyo Ndi yeeya kuti eco ncencico nco tujisi kutala kuya mu pentagoni ya bukombi sunu; kusyondana kwa bweende ibwa myootokala, bwa basikulicengeezya, batasyomi, azintuzyonse kazisyondene antoomwe. Mujisi kusyondana kwa bweende ibwa myootokala. Nkaambonzi? Taba jisi cimaninizyo. Umwi wati, “Ee, tuli . . . Tuli cimaninizyo.” I umwi umbi wati, “Tuli cimaninizyo.”

⁸⁷ Leza ngo Cimaninizyo. Wa kati, “Akube kuti conse cimaninizyo, kunze lya Cangu, cibe cabubeji. Cangu cibe ca Bwini!” Aboobo, nceco Cimaninizyo ku Bunakristo. Ayo mamanino a kukazya koonse. I Bbaibbele lya kaamba boobo, eco cila Ci bamba kululama. Iyi, munene. Kweelede kuba cimaninizyo mu zintuzyonse.

⁸⁸ Mbuli buyo amwi mabungano asunu, bunji bwa mabungano ajisi cimaninizyo cawo. Umwi aumwi ujisi cakwe mwini, cintucimwi mbuli mazuba aa babetesi, muntu aumwi wakacita nzila nja kayeeya kuti cakali luleme. Pele eco ta ciluzi. Mwabona, eco nciindi Ijwi lya Leza a basinsimi niba takaninga kuba. I Ijwi lya lya Ncimaninizyo. Ba kajisi cimaninizyo cabo beni. Umwi aumwi waamba kuti Mbwini a nzila, “Tuli Bwini a nzila.”

⁸⁹ Pele Jesu wakati Wa kali Bwini a Nzila, “i Bwini, Nzila, a Mumuni.” Sa mbo mbubo? Ee, mpawo, Walo ndi Ijwi, aboobo nceco Cimaninizyo. Elyo zimaninizyo zyatubungwe, taakwe cintu kuli nzizyo; cili lubide, ko cilekela kuunka.

90 Lino, muntu ulacita moonya mu meso akwe mwini, pele Leza uli jisi nzila kuli nguwe ya kucicita. Mwabona, cindi Leza a Ijwi Lyakwe a basinsimi Bakwe noba tako, bantu boonse bakacita buyo mbuli mbwa kali kuyanda kucita.

91 Elyo eco nce cakali mu buzuba buno, umwi aumwi waamba kuti, “Ndi—Ndi zulilwa kuli *eyi*.” Sa uli Munakristo? “Ndili muna Presbyteria.” Sena uli Munakristo? Nda kubuzya. Musimbi umwi wakati, “Nda kupa kumvwisya, Nda yasya nkendulo busiku abumwi.” Mwaalumi umbi wakati, mu mundando wa mipailo, Nda mubuzya ikuti na wali Munakristo, kati, “Ndili muna America. Mbobuti mbo ncamba!” Mbuli eco cili jisi cintu cakucita a Neco. Mwabona, bali angidwe ku cisi. I umwi umbi ulaangidwe ku kabunga, tuyanza twabuzumini.

92 Pele *Munakristo* caamba “mbuli Kristo.” Alimwi nzila ilikke njo konzya kuba mbuli Kristo nkuuli Kristo i Ijwi kuba muli nduwe. Eco ncitomeno. Inzya. Nda kabona eci ka Ndi tana kusanduka, alimwi Ndili kkomene kuti Leza waka ndijata mbungano kaitana cita. Aboobo Nda kalizi cindi Ne . . .

93 Mukutausi mubotu muna Baptisti, Mukwesu Naylor, uli mu Bulemu sunu, wa kasika kuselelo, wa kaambaula andime. Elyo, oh, kuli bantu banji abo baka bandika kuli ndime cindi Ne—Ne kali kusola kujana Leza. Mukambausi wa Seventh-day Adventisti wa kali kuyanda kuti ndisangane a mbabo, a abumwi. Pele Nda kabona kuti na Ndi yooba Munakristo, Tii—Tii ndakonzya kwaamba, “Lino Ndili muna Seventh-day Adventisti.” Lino, eco cili kabotu. “Ndili muna Baptisti.” Kuli kobotu, mwabona, pele Nda kacita kuba acintucimwi cakasimpe loko aniini kwindi ceeco. Nse—Nse kakonzya kusyoma, nkaambo umwi aumwi wakali kukonkomona.

94 Nda kayeeya, “Kuli muntuumwi kubusena bumwi, weelede kuba a cintucimwi ca bwini, kubusenabumwi.”

95 Aboobo Nda kabulide cimaninizyo, aboobo Nda kabweza comwe, Ijwi lya Leza. Aboobo Nda kabala mu Ijwi kuti Walo ndi Ijwi, Musalali Johane 1. “Elyo aa cimaninizyo eci, Ndiyo yaka Mbungano Yangu.” Um-humu. Mbo mbubo. Aboobo Nda ka Mu bweza ku Ijwi Lyakwe. Ciyubunuzyo 22:19 yakati, “Kufumbwa muntu uyo gwisya Ijwi lyomwe kuzwa kuli Eli, na kuyungizya ijwi lyomwe kuli Ndilyo.” Eco nce cimaninizyo. Ayo mamanino a nzwango zyoonse. *Eci* ncimaninizyo. “Kufumbwa muntu uugwisya cintu kuzwa kuli Ndilyo, na kuyungizya kufumbwa cintu kuli Ndilyo,” Leza wakati, “Njo gusya buyo cibeela cakwe kuzwa mu Bbuku lya Buumi,” aboobo Eco cakeelede kuba cimaninizyo. Elyo Jesu wakati, “Muntu taka poneni ku cinkwa cilikke, pele ku Ijwi lyoonse.” Mpawo Ndi lilizyi eli “lyonse Ijwi” lya keelede kuba. Kati, “Mulao atala lya mulao, a kabala atala lya kabala.” Eyo nje nzila mbo Ce elede kusika, mbubonya mbuli Mbo kulembedwe.

96 Mpawo Wa kati, “Ikuti na mwakkalilila muli Ndime,” Walo ndi Ijwi, “Majwi Angu akkalila muli ndinywe, inga mwalomba eco nco muyanda.” Nda kaziba mpawo ikuti na Bunakristo bwakali Ijwi lya Leza, alimwi Wa kali Ijwi, alimwi ku kuzumina Ijwi, i Ijwi lya kaponi muli Nguwe, mpawo Ndi lizi, “Ikuti na mwakkalilila muli Ndime, a Ijwi Lyangu muli ndinywe, amulombe eco nco muyanda,” alimwi ikuti na uli mu Ijwi a cibeela ca Ijwi, uyo lomba buyo eco Ijwi nco li kwaambila ku lomba. Lizi buzuba mbo mupona, mpawo, a kulomba mbuli mbo kweelede.

97 Aboobo nkikaako, kujokela ku ciiyo, bamba . . . Kwaambaula lino oyu kugama muntu, pele Ndili angilidwe. Ndili angidwe kuli Jesu Kristo, kuli Nguwe, kwiinda ku Ijwi Lyakwe. Walo Ncimaninizo cangu.

98 Nda kajana kuti tubungwe otu toonse a zintu zyaka jisi cimaninizo cabo. Umwi aumwi, umwi aumwi, bali jisi cimaninizo cabo beni.

99 I muna Katolika, cindi pope oyo aamba cintu cimwi, nce ncico. Eco ncimaninizo ca mbungano ya Katolika. Ta ndikwe makani eco mupaizi ncaamba, eco bishopo ncaamba, eco kardinolo ncaamba; cindi pope wa caamba, nce ncico. Eco ncimaninizo. Cili luleme.

100 Mu mbungano ya Methodisti a bunji bwa tubungwe twa Protestanti, eco bishopo ncaamba, eco ncimaninizo. Kwa mana. Eco kansiyansiya nco kaamba, eco ncimaninizo.

101 Mu ba Pentekoste, nceeco mulinguzi waboonse ncaamba, naa inga waba a muntu oyu wa lubukuluso, na pe. Eco nce cimaninizo. Ula impana a majwi aakwe, ula tandwa kuzwa mu kabunga. Mwabona, Ijwi tali langanisigwi pe. Mwabona? Mula jana zimaninizo ezi, cimwi acimwi mukuba cimaninizo cakwe cini.

102 Pele, nywebo mulizi, Ta ndaambi eci mukusampaula. Nda caamba ku bwini. Ndi limvwa mbuli Paulo mbwa kacita, cindi na kati, mu Incito 20:24, “Taakwe zintu ezi zindi zungaanya.” “Ndili kanzide kutaziba cintu akati kanu; pele Jesu Kristo, alimwi Walo wakabambulwa.” Nse penzegwi ku zimaninizo ezi, naa ngu popu, bishopo, na mulinguzi wakonse, na sinkuta, na ciyanza, na kufumbwa mbo cibede, kwiina zintu ezi zindi zungaanya. Ta ndikwe makani na baamba kuti, “Ee, ta—ta tu koo- . . .” Eco tacibambi lwandaano noluceya. Ndili kanzide kutaziba cintu cita Jesu Kristo, Ijwi Lyakwe lya tondezegwa akati kesu. Ndi laangidwe kuli Ceeco. Eyo ni nkasi yangu. Nda kasimpa muli Eyo.

103 “Kuzwida ni Nda . . .” Paulo wakati, “Kuzwida ni Nda ka Mu swaana, mu mugwagwa, Nda kacebuka. Ndi jisi . . . Wa kandi lulamika.”

104 Ma, obo Mbwa kandi lulamika! Ino kululamika Nkwa kacita kuli ndime. Pele kuzwa ciindi Na kandi lulamika, Nda kaangwa kuli Ncico. Nda kabona Ijwi kuti lyakali Bwini, zintu zyoonse ziimpene kuli Ndilyo zyakali lubide.

105 Nywebo mulizi cintu na? Wa kajisi bukanze mu kundi futula. Wa kajisi bukanze mu kukufutula. Elyo Ndili kanzide, kwiinda ku luyando Lwakwe, kucita luyando Lwakwe. I kaambo Nca kacicita, Ta ndizi kaambo Nca kacicita.

106 “Kutali kuyungizya kuli Ndilyo na kugwisya kuli Ndilyo!” Mbuli mbo Nda kaamba, Ciyubunuzyo 22:19 ya kaamba kuti muta ciciti. Ikuti na Walo Ncimaninizyo cesu, ta cikonzayi kuba bumbi. Takukwe nzila kuli ncico yakuba kunzelyaboobo. We elede kuba Cimaninizyo, Ijwi lya mamanino.

107 Nywebo mulizi, kwakali bali mamilioni mu cibi cindi Ne kafutulwa. Wa kajisi bukanze mu kundi futula. Ndili cigambyo aakati ka bakwesu, ziindi zinji; basyoma mu kukanzwa, lunyungu lwa nzoka, lubbizyo mu Zina lya Jesu Kristo, a zintu ezi zyoonse zimbi ziboneka kuba . . . a zilengaano, a nguzu zya Kristo zyaka bweeda, a kutapatila tubunga a zintu. Ndili cigambyo, pele Wa kajisi kaambo ka kundi futula, bukanze bwa kucicita. Wa kandi futula cindi nikwakali mamilioni aa bamwi mu cibi, pele Wa ka ndifutula ku kaambo kamwi. Ba kali bantu bayiide, ba kali bantu basongo, ba kali basilwiiyo lwabukombi, ba kali mabbishopo a bamaayi, a zimwi zimbi, mu muunda, cindi Na kandi futula, pele Wa ka ndifutula ku kaambo kamwi.

108 Elyo Nda bona Ijwi kuti Ncimaninizyo, alimwi Ndili angidwe kuli Ndilyo, a kukanza kuti Nse kazibi cintu cimbi cita Jesu Kristo, nkabela Walo wakabambulwa. Wa kajisi kaambo kuli ncico, alimwi Ndili kanzide kujata kaambo ako. Takukwe makani eco kufumbwa muntu umbi ncaamba, Nse babambi kuba nyonyoona na kuba fubaazya, pele Ndi lizi eco Nce angidwe. Wa kali kundi yanda kuba boobu. Wa kandi jisi boobu. Nda kapangwa boobu ku bukanze. Nda kacitwa kubambwa kuba bube bonse obu, abumwi bumbi, elyo kakutakwe twaambo, aboobo Wa kakonzya ku ciyutulula kuzwa muli ndime, kubikka Cintucimwi omuya; eelyo lyakali Ijwi Lyakwe. Elyo Ndili kanzide kuti Nse kazibi cintu cimbi cita Kristo.

109 Lufu lwa Kristo cakali cimaninizyo. Ca kali cimaninizyo. Akali magolelo a kuyoowa koonse kuli mbabo baka yoowa lufu. Lufu lwakwe ncimaninizyo, mpawo.

110 Bantu bala yoowa lufu. Awalo Jobu wakayoowa lufu. Pele cindi na kabona cilengaano! Wa kalizi kuti zintuzyonse zyaka nyonyooka; mukwasyi wakwe, bana bakwe—bakwe. Naba mukaintu wakwe waka mulwana, nkaambo kununka kwakwe—kwakwe kwa zyuute zyakwe—zyakwe; wa kakkala kuzwa mu ng’anda yakwe, aa cilwi catwe, kakumba zyuute zyakwe—

zyakwe. Elyo mukaintu wakwe akwalo wakati, “Nkaambonzi to singanyi Leza, a kufwa lufu?”

Wa kati, “Yebo waambaula mbuli mwanakazi mufubafuba.” Mwabona?

¹¹¹ Mpawo cindi Elihu naka kanana kuli nguwe... Amwi mazuba aya, Ndi yanda kuyo pasaula eelyo zina kuli ndinywe, Elihu, aku mutondezya kuti wakali Kristo.

¹¹² Cindi naka jisi ciimo eci, a zintu zyoonse zyakali manide kuli nguwe, mpawo wa kabona cilengaano ca Umwi Uululeme. Wa kali kuyanda kujana Muntu Wa kali kukonzya ku mwiiminina akati; kubikka maanza Aakwe aa muntu sizibi a Leza Uusalala, a kwiima mu nzila. Elyo Leza waka mulekela ku Ci bona, myaka ili zyuulu zyone kule. Ca kali cimaninizo cakwe. Wa kabuka a kuli zungaanya mwini. Aleluya!

¹¹³ Cindi muntu na yoowa kufwa, konyamuka a kuli zungaanya omwini, kulanga mu Ijwi a kubona obo cilengaano ca Leza mbo cibede.

¹¹⁴ Wa kabona cilengaano eco, wa kati, “Ndi lizi Munununi wangu ula pona, alimwi ku mazuba akumamanino Uyo imikila atala a nyika eyi. Elyo Ndili muku lyaanga kuli ncico! Nekubakuti tuuka twa lukanda twa nyonyoona mubili oyu, nekubaboobo mu mubili wangu Njo bona Leza: Oyo ngo Ndi yolibona lwangu. Ndili angidwe kuli ncico,” wa kaamba. Wa ka cibona. Ca kali cisyomezyo ca Leza.

¹¹⁵ Wa kalanga kwiinda mu milao ya bulenge. Mbuli mbo Nda kali kumwaambila kujatikizya buzumanane bwa mulao wa bulenge, buzumanane bwa Ijwi, buzumanane bwa micito ya Leza, zintu zyoonse zili mukuzumanana. Wa kalomba, muli Jobu 14. Wa kati, “Kuli bulangizi mu samu, ikuti na lyafwa; lubaluba, ikuti lya fwa; azimwi zimbi. Pele,” kati, “muntu alala, a kufwa, wa kali kulaale. Bana bakwe bakasika kuzo mulemeka, ta kacimvwa. Oh,” mpawo wa kati, “ikuti na Uyo ndisisa mu cuumbwe, kondi sisa a kundi bamba mu busena busisidwe, mane bukali Bwako bukainde!” Wa kayoowa lufu.

¹¹⁶ Pele cindi na kabona kumbele, mukuba musinsimi, wakabona bubuke bwa Jesu Kristo, wa koompolola, “Munununi wangu ula pona!” Amulangilile, wa ka Mwiita kuti, “Munununi.” Amulangilile. “Ndi lizi Munununi wangu ula pona, alimwi ku mazuba akumamanino Uyo imikila atala a nyika; nekubakuti tuuka twa lukanda lwangu twa nyonyoona mubili oyu, nekubaboobo mu mubili wangu Njo bona Leza.” Leza a Munununi bakali cintu nconya, Leza a muntu baka panga bomwe. “Njo bona Leza; Oyo ngo Ndiyo libona lwangu, meso angu ayo bona, alimwi kutali ambi.” Ameni.

¹¹⁷ Kutali muntu umbi cita oyo Munununi, Leza, ngo Nguwe meso angu ngaabona. Walo Ncimaninizo. Walo Ncimaninizo.

Ula gwisya kuyoowa koonse kuzwa ku lufu. Ula bweza kuyoowa koonse.

¹¹⁸ Mu ba Hebrayo, capita 2, kampango ka 14 a 15, amulangilile. Wa kabweza ciimo ca muntu, kufwa mbuli umwi, kwa boonse. Wa kabweza ciimo ca muntu. Oyu Munununi wakaseluka ansi a kubambwa kuba muntu, kutegwa Ka konzya kufwa, Muntu omwe, ku muntu oonse. Oh, mbobuti Mbwa kacicita? Ino Leza wakaba muntu wa nzi? Ku kubbadela cisubulo ca muntu.

¹¹⁹ Pele, aa cifumo ca Pasika, Wa kayutuka kajisi makki aku lufu, gehena, a cuumbwe. Ameni. Leza, Oyo wakali kukonzya kufwa aa ciingano, a zyuumbwe tii zyaka konzya ku Mu jatilila; taakwe cintu, gehena tiya kakonzya ku Mu jatilila. Taakwe cintu cakali kukonzya ku Mu jatilila. Wa kabuka. Wa kajisi zijaluzyo. Wa kabuka, Muzundi, nkaambo Wa kazunda lufu loonse, gehena, cuumbwe. Cindi Na kali aa nyika, Wa kazunda malwazi. Wa kazunda zintu zyoonse. Wa kazunda malweza. Wa kazunda zintu zyoonse ezyo zya keelede kuzundwa. Elyo wakayutuka a lufu, gehena, a cuumbwe, makkii kalengelela ku lubazu Lwakwe; a kutanta Kujulu, a kupa zipego ku muntu, a kujoka aa Buzuba bwa Pentekoste a kuzipa kuli Petro, ku Mbungano. Ameni. Walo Ncimaninizyo cesu. Kuyoowa koonse kwa lufu. . . Nkaambo Ula pona, tula pona aswebo.

¹²⁰ Baroma 8:1, “Nkikaako mukuba baka lulamikwa ku lusyomo, tu jisi luumuno a Leza kwiinda mu Mwami wesu Jesu Kristo.” Tu jana kuti, Nda syoma abo mba Roma 5, tu jana kuti. Elyo—elyo Ngu kululamikwa kwesu. Leza waka Mu busya aa buzuba bwatatu, ku kululamika lusyomo lwesu, kuti tula kusyoma. Elyo Wa ka Mu busya, ku kululamika lusyomo lwesu. Ino ncinzi Nca kacita kaindi? Wa ka Mu tuma kujoka, i Sikululamika buyo, nkaambo lusyomo lwesu lula cisyoma. I Muuya Uusalala, Kristo, waboola muli nguwo, ku kululamikwa kwesu, nkaambo twa kabuka kuzwa ku lufu kuyaku Buumi. Elyo lino tuli bana balombe abasimbi iba Leza, bakkede mu masena Aakujulu muli Kristo Jesu, katu lulamika kwiinda ku bubuke Bwakwe.

¹²¹ Eco citupa kululamikwa, kuziba, a i—a cizibyo ca lufutuko lwesu mukati kesu lino, mbubonya Buumi bwa Kristo kabuduntaana muli ndiswe. Elyo mbobuti mbo tukonzya kukaka Ijwi? Kwalo, Walo ndi Ijwi litupa i. . . kaanzambwene aka. I Muuya Uusalala mpuuli. Ino Walo niinzi? Ucili eyo Nyenyeezi ya Kunyiika, Kristo njeeyo Nyenyeezi ya Kunyiika. Alimwi Muuya Uusalala nkooko kululamikwa kutondekela musyomi nkoonya kugama ku Nyenyeezi ya Kunyiika. Nconzyo.

¹²² I Muuya Uusalala lyoonse uyo tondeka ku Ijwi. Ikuti na Utondeka ku kansiyansiya na kabungwe, tauli Muuya Uusalala. Ta kakonzya kucita ceeco, kutondeka kuzwa ku Ijwi Lyakwe, cindi Na kafwa kusimpikizya eelyo Ijwi akubamba eelyo Ijwi

kuba kasimpe. Ameni. Wa kafwa kutegwa A konzye kusika, Mwini, mu Ijwi eelyo. Walo Mbuumi bwaku pononosya bubamba Ijwi eelyo kupona alubo. Obo bwakali bukanze Bwakwe bwa kufwa, cakuti Wa kacili kukonzya kuli tondezya Mwini kwiinda mu Mbungano Yakwe, a kubamba Ijwi lyoonse, kwiinda mu makkalo onse, kulilemeka mbubonya buyo nzila Mbo ceelede kucita.

¹²³ Walo ni insana zya bupange. I bupange bwa Mbungano, ino ncinzi? Baapostolo, basinsimi, bamaiyi, abamwi. Elyo Walo ni nsana zibeleka ceeco. Elyo ila bekekwa a nsana zimwi zitegwa mbuli. . . Walo, Walo ngo Mulilo uswida gaasi. Walo ngo Mulilo uli mu ccemba ya kusukila, kuti cindi i—i gaasi, i—i Ijwi, lya katililwa ku ccemba eyo isuka kupya, Ngo Nguwe umupa kusuka mulilo. Ngo Nguwe ucisimpikizya. Walo ni nguzu zya bubuke. Ngu Leza. Walo, Walo Mulilo, obo Mbwa bede.

¹²⁴ “Kakutakwe lukazyo,” kaamba Timoteo Mutaanzi 3:16, “makani mapati aasisidwe aa buleza; nkambo Leza waka yubululwa mu mbili, wakabonwa a baangelo a kutambulwa mu Bulemu.” Wa kali Leza, kaboola kuzo tola busena bwa basizibi. Iiyi, munene. Elyo cindi Walo, Leza, waka Mu busya i—aa buzuba bwatatu, bwakali bwa kululamikwa kwesu. Nkikaako, wakasumpulwa ku janza lya lulyo lwa Mupati Kujulu, Ngu Sikukombezezya, ku kubamba nkombezezyo aa zyesu. . . nkambo ka kulengauka kwesu, mbuli mbo tu caamba kuli Nguwe, a kufwa kuli lwesu; kubikka Ijwi Lyakwe kujokela muli ndiswe, cisyomezyo. Elyo lusyomo lwesu lubamba Ijwi eelyo kupona, nkaambo Kristo uli muli ndiswe, kupononyo ku Ijwi.

¹²⁵ Obo mbo Ndi lombozya kuti mbungano yakonzya kubona eco, inkazyanyo yoonse a nzwango ziyo mana! Eyo inga yaba Nkuta Mpati. Eyo ni Nyenyeezi ya Kunyiika. Aleluya! Ayo mamanino a nzwango zyoonse. Ayo mamanino aa mibuzyo yoonse. Ayo mamanino a zintu zyoonse. “Leza wa kaamba boobo,” eco nce Cimaninizyo. Ko lyaanga kuli Ncico. Paulo wakati, “Taakwe ciliko, kwiina ciciza, lufu, malwazi, cinswe, penzyo, cikonzya kutwandaanya kuzwa kuli Eco.” Tula angidwe ku Cimaninizyo. Kati, “Nkambo mebo kupona ngu—ngu Kristo, akufwa ni mpindu.” Taakwe cimbi cijatilila pele Eco cili alya. Eco nce Cimaninizyo.

¹²⁶ Walo Ncimaninizyo cesu nkaambo tu jisi kaanzambwene ka bubuke, nkaambo Wa kabuka muli ndiswe. Mbobuti mbo tuziba? Ula pona. Ula cita mbubonya awa eco Nca kacita cindi Na kali ano aa nyika. Ngo nguwe Musumpululu wa Mulilo, tuli cijisi cifoto ca oyo alya. Ngo nguwe uli mu mbungano. Uli waano sunu, alimwi mu mbili oyu Ula beleka a kucita mbubonya mbuli Mbwa kacita kaindi.

¹²⁷ Ikuti na buumi bwa musaansa wa namunywa bwa bikkwa mu cipusyi, tau kazyali cipusyi cimbi; tau konzyi, nkaambo

kuyooba namunywa, nkambo buumi muli nguwe mbwa namunywa. “Elyo ikuti na Ma...Amu kkale muli Ndime a Ijwi Lyangu lili muli ndinywe, amulombe eco nco muyanda!” Uyo oba a banamunywa. Ameni. I Cimaninizyo, Ndi lizi kuti Mbwini. Nda aanga buntu bwangu muli ceeco, alimwi Ndi lizi kuti Mbwini. Ijwi lya Leza, Walo Ncimaninizyo cesu.

¹²⁸ Batesalonika Babili, cipati ca 2, tula bala eco. “Tuyo kwempwa a bayandwa besu, kuyo Mu swaana mu mulengalenga.” Oh, obo moyo wangu mbo uduntaana ku Ijwi lyoonse mu Bbuku Lyakwe, “Ameni.” Leza wakati, “Tuyo kwempwa mu mulengalenga, kuyo swaana bayandwa besu.” “Ameni,” kaamba Ijwi kuni kwa moyo wangu, nkambo Ijwi lili mukati muya.

¹²⁹ “Nda kasisa Ijwi Lyako mu moyo wangu, Mwami, kuti Nta Ku bisizyi. Nda yaanga ku minwe yangu, ku cikunguzyo cangu cabulo. Yebo uli kumbele lyangu lyoonse. Ta ndika zungaanisigwi.”

¹³⁰ “Inzya, nekubakuti Nde enda kwindi mu kkuti lya cimvule ca lufu, Nse kayoowi bubi, nkambo Uli Cimaninizyo cangu. Njo unka kumselelo kwiinda okuya, nkabela Uyo ndisomona. Nda inka mu meenda malamfu aa bwaato bwangu, Uyo...Uli cijatisyo cangu. Ameni. Yebo uli kunze lya cisitilizyo awo. Ndo Nduwe uya kundenzya mu guwo pati lyamvula. Nduwe Umwi uyooba Okuya, cijatisyo cangu mu Bulemu, cindi Nda selemukila ku zimvule zya kkuti, zimvule zya lufu.” Cindi Nda selemukila ku Jordano, cindi Nda kuzabuka, Walo Ncimaninizyo cangu. Ndili angidwe kuli Umwi wakabuka ku lubazu lumbi, Uyo ndikwela kwiinda mu meenda aantenda. “Nse kayoowi bubi, nkambo Uli a ndime.” Ameni. Amulekele kuunga kuyoosya kwa maguwo amvula, buumi, lufu, kufumbwa ciliko; taakwe ciyo twandaanya. Ndili angide ku Cikunguzyo eco.

¹³¹ Eco Cikunguzyo cila jatilila. Cila jatilila mukati ka cisitilizyo. Uli simpidwe. Cila jatilila kuli Leza kutala. Cila jatilila ku moyo wangu. I Muuya Uusalala ngo undikopela ku cisyomezyo eco: “NDIME!” Kutali, “Njo oba,” “Nda kali obo,” “Mebo buzubabumwi njooba.” “Ndime Bubuke a Buumi,” mbwaamba Leza. “Oyo uusyoma muli Ndime, nekubakuti wakali fwide, kwalo uyo pona. Alimwi kufumbwa oyo upona ausyoma muli Ndime, ta kafwi pe.”

¹³² Lekela lufu kucita kufumbwa nco luyanda, ta luka ndipenzyi, nkaambo Ndili lamidwe, Ndili lamidwe kuti nomuba mu malwazi anga andi bweza, na inkulu iizwa ku ntobolo, buzubabumwi, inga kwandi tola, Ta ndizi obo mbo ciya kuba, ino ndwandaano nzi ndo cibamba kuli ndime? “Nkambo mebo kupona ngu Kristo, a kufwa ni mpindu.” Oh, ma! Nkaambo, Ndili kanzide kuti Ndi Mu zyi kakkede kutala kulaale kulanduka mulonga wa lufu, oko Nkwayo ndikwela

mu Busyu Bwakwe buzubabumwi. Kululamikwa ku bululami Bwakwe, kuti Nda kazumina lufu Lwakwe aa ciingano, Leza wakaba mu mubili wabuntu akati kesu; ucili mu mubili muli ndiswe, ucili Muuya mu mibili yesu. Ameni.

¹³³ Walo Ncimaninizyo cangu. Ngu zyoonse zyangu. Kufumbwa cintu kunze lya ceeco, taakwe cintu mu maboko angu Nce leta. Nse zyi cintu cimbi kunze lya Kristo, alimwi Walo wakabambulwa; tandiyandi kumvwa cintu cimbi cita Kristo, elyo Walo wakabambulwa. Moyo wangu waamba “ameni” kuli umwi aumwi wa cisyomezyo Cakwe. Ako nkekaambo nce Ndi zyi kuti Muuya Uusalala Wakwe ni kkampasi, Ula ndisololela ku Ijwi.

¹³⁴ Taakwe neciba comwe ca zilengaano cakasola kwaamba cintu cili coonse kuli ndime cita eco cakali mu Ijwi. Oh, awo mpe mpawo Mpe jisi kaanzambwene kangu, mukwesu. Obo busiku cindi Na kandaambila kujatikizya ceeco, Nda kalangilila zilengaano ezyo. Elyo Ndila ita kuswiilila kwanu, sa eco cilengaano cakasola kwaamba cimwi eco cakaimpene ku Ijwi? Taakwe ciindi noca kasola kulubila. Nkaambonzi? Ngu Leza. Eco nce cimaninizyo cangu.

¹³⁵ Elyo Ndi lizi, cifumo cimwi, mu cilengaano, Nda kabona bayandwa bangu kulanduka mulonga kulaale. Nko ili. Ndiya ku Nyika eyo ya cisyomezyo. Nde elede kuyo swaangana okuya buzubabumwi. Iiyi, nconzyo.

¹³⁶ Walo Ncimaninizyo cangu. Walo ndi Zuba lyangu. Walo Mbumi bwangu. Walo ni mbaakani yangu, Nyenyeezi yangu ya Kunyiika. Ngu zyonse Nze konzya kusola kuyeeya kuba, Ngu ceeco kuli ndime. Ngo Buumi bwangu.

¹³⁷ Tubungwe, kuli ndime. . .Kutali kucisa kulimvwa kwanu; Ta ndiyandi kucita eco. Pele Ijwi lili mbuli cceba lya mabemba obilo, Tali konzyi kutonta kakutakwe kutenda, mwabona, kapati cindi Lya pasaula mu mudima. Amubone, tubungwe tuli mbuli nyenyeezi zimwi, zila enda a kunyona kwa inyika. Mbo mbubo. Nzila yoonse nyika mbo yeenda, bala lekela banakazi babo kugela masusu abo, kusama tubbudula, azintu zyoonse zimbi, ila longa ncobeni a Hollywood a zintuzyonse zimbi. Pele, oh, mukwesu, *Obo* bucili Bwini, eelyo Ijwi lita sanduki lya Leza muumi licili lya Bwini! Ngo Cimaninizyo cangu. Eco nco Caamba Mbwini. Lekela kabungwe kalonge kuli konse nko kayanda. Ba yanda kubisya Zina lya Jesu Kristo, a bubande, obo buli kuli mbabo. Pele, kuli ndime, “Taakwe Zina limbi kungsi e Julu lipedwe akati ka bantu, omo momweelede kufutulwa.” Kuli ndime, eelyo ndi Ijwi lya ntalisyo, mpaawo ali ciswi cang’anda. Nse yandi kulonga antoomwe a kabungwe.

¹³⁸ Ndi jisi Kkampasi yangu awa mukati kangu, Muuya Uusalala, undi tondekela nkoonya kugama ku Cimaninizyo. “Nkambo majulu a nyika ziyo loba, pele Majwi Angu ta kalobi.”

Elyo Nda ka Ci sisa mu moyo wangu, alimwi Muuya Uusalala waka nditondekela nkoonya kuli Ncico. Ndili kanzide kutaziba cintu cimbi. Eco Neimaninizyo cangu. Acibe buyo mbuli boobo. Eyo nje nzila Mbwe ciyanda. Oh, ma! Lino, mukwesu, mucizi, bamba Cimaninizyo cako muli Nguwe. Iiyi, munene.

139 Mu ciindi ca mapenzi Nda kajisi kuno kutali ciindi cilamfu cainda, mukaintu wakasweeka, bana, zintu zyoonse. Muntuumwi wakati kuli ndime, kati, “Sena wakabamba bukombi bwako?”

140 Nda kati, “Peepe, Ca kandi bamba.” Mwabona? Mwabona, Nda kajisi Cimaninizyo, kuziba kuti buzubabumwi Njo babona alubo. Ameni. Ne taka cikonzya ikuti Ne taka jisi eco Cimaninizyo. Ca kabamba lwandaano muli ndime, awo Mpe kaangidwe, nkaambo Nda kalizi kuti inga Nda babona alimwi.

141 Lino, ku luzyalo, Nda angidwe kuli Nguwe Oyo wakati, “NDIME,” kutali “Nda kaliko.” “NDIME,” lyonse, uliko-lyonse, uzyi-, uzyizyonse, uzyi-, ujisinguzuzyonse, mupatikampatila, kuti Tali “Nda kaliko.” “NDIME,” Walo ucili bubuke. Walo ucili Nyenyeezi ya Kunyiika. Walo ucizi zintuzyonse, kuli ndime.

142 Musa waka jisi cimaninizyo. Cindi na kaswaana citeo eco ciyaka, eco cakali cimaninizyo kuli nguwe. Cindi Joshua—cindi Joshua . . .

143 Oh, nywebo mulizi, ciindicimwi wa bweza cimaninizyo, cimaninizyo ciyo kusololela ku cikankamanisyo. Mbo mbubo. Iiyi. I cikankamanisyo ncintucimwi eco cini, pele tacikonzyi kupandululwa. Calo ncikankamanisyo.

144 Cindi Joshua kaimvwi okuya, a kubona kuti wa kali kuyandikana! Leza waka mutuma kwiinka okuya a kuyo bweza nyika eyo, Kuuma kugusya bantu bonse, aku—aku bikka Israyeli mu nyika. Elyo buzuba bumwi, impi ya kapumbulwa, alimwi mu cisi. Elyo i—alimwi cintu citaanzi mulizi, wa kalizi kuti wa kabauma, kufumbwa kuti wakabapwayaula. Aboobo, cindi na kacita, zuba lyakali kubbila. Elyo Joshua waka angidwe ku Cimaninizyo, Ijwi lya Leza, Cilenga. Wa kali angidwe ku mulimo ngwa keelede kucita. Ameni.

145 Ciindicimwi ta cibotelezyi kuyandika kucicita; weelede kucisa kulimvwa, kutenda a kugonka. Pele calo ncimaninizyo.

146 Wa kali kuyandikana. Wa kati, “Zuba, koima nji, kulaale! Mweezi, kolengelela mpoonya awo!” Elyo, kwa maoora ali makumi obilo aone, waa kaima nji. Oh, kwaambaula makani a cikankamanisyo! Pele wa kali angidwe ku cimaninizyo, a kutumwa. Iiyi, incobeni, Leza waka mutuma.

Johane wakali masimpe kuti inga uyo bona Nziba cindi ni Ya kaboola aali Nguwe.

147 Cindi Ne kabona oyo Musumpululu wa Mulilo, mbuli Paulo mu lweendo kuselemukila ku Damasiko, Nda kalizi

kuti cakali Cimaninizyo ca Leza, kwakali kuboola lubukulusyo lwakali kuyo fumpa masi. Nda kalizi kuti Uyo sololela Kuboola kwabili kwa Jesu Kristo, alimwi Nda cisyoma nekuba sunu. Calo Ncimaninizyo cangu, nekubakuti cakali cikankamanisyo. Masimpe, cakali cikankamanisyo, ku Musumpululu wa Mulilo kulengelela omuya mu mulengalenga. Elyo mapepa a zintu zyoonse kazikkopa cifoto ca Nguwo.

¹⁴⁸ Ca kali cikankamanisyo, buzuba bumwi, mu Miyoba ya 15, na Kaandakaniini mu 15, Nda syoma...peepe, Miyoba ya 15, mwaka oyu wamamanino. Cindi, myeezi yotatwe na yone kacitana citika, *Baalumi, Ino Nciindi Nzi?*, kati tuyo unka okuya, “Elyo Baangelo bali ciloba bayo swaana, a kujokela, alimwi i—i Bbuku lya Zinatatizyo zili Ciloba inga liyo julwa.” Elyo nkeimvwi mpoonya alya a Mukwesu Fred Sothmann, oyo wazwaa kwaamba “ameni” okuya, kaimvwi muni lyakwe, baa, Nda kabaambila, “Kuyooaba coongo eco ciyo zungaanya cisi.” Elyo Nda kati, “Kuyooaba ko. Ngu MBUBOBU MBWAAMBA I MWAMI.” Cili aa mateepu, mateepu, mateepu, kuzwa ku Phoenix Iweendo loonse koonse. “Ngu MBUBOBU MBWAAMBA I MWAMI.”

¹⁴⁹ Buzuba bumwi, nkeimvwi alya, kamonsa nsoke, na zinamatila ziniini kuzwa ku mauulu angu, mbuli mbo kwaabede; okuya abo Baangelo bali ciloba baka mwaika kuzwa ku mulengalenga a kuzungaanya busena, mane, myaala, ilema mapaundi ali makumi osanwe na makumi ali cisambomwe, aka kunkulika kunselelo lya cilundu. Mpaawo kwakaimvwi Baangelo bali ciloba kabaimvwi alya, baka ndituma kujoka a kuleta Milumbe eyi, a kuti, “Omwe a omwe” bakali kunga “baswaangana a kwaamba eco cakacitika.” Elyo caka cita mbubonya mu nzila eyo. Elyo cindi niba katanta Kujulu, mbuli *boobo*, keenda mamaile ali makumi otatwe mujulu; alimwi, aa buzuba mbubonya, baka kkopa cifoto ca Ncico, sayansi yakacita, a kuunka koonse ku nyika. Calo ncikankamanisyo, pele cakali Cimaninizyo. Caka ndaangila muli Jesu Kristo, kumaninizya buumi bwangu muli Nguwe. Nda kali cizyi kuti cakali kuboneka ceenzu. Mbo cibede lyoonse.

¹⁵⁰ Ca kali cikankamanisyo kuli Paulo, ku swaana Jesu mu mugwagwa kuya ku Damasiko. Calo ncikankamanisyo cindi Leza acinca moyo, uusiya wa sizibi akuusanzya kutuba mu Bulowa Bwakwe Mwini. Calo ncikankamanisyo. Nincobeni. Sena mula syoma mu cikankamanisyo? Elyo eco cikankamanisyo, ikuti na cileendelana a Ijwi lya Leza, inga caba cimaninizyo cako. Kusanduka kwa Paulo cakali cikankamanisyo, a kuba cimaninizyo cakwe.

¹⁵¹ Amuyeeye awa, ciindi cimwi cainda, Nda kali kkede a musambazi mudaala, elyo twa kali kwaambaula mu busena buniini. Wa kati, “Mukwesu Branham, Ndi yanda ku kubuzya

cintucimwi.” Elyo wakali muna Baptisti, mwini. Wa kati, “Sena ula syoma mu cikankamanisyo?”

Nda kati, “Masimpe. Cita ncobeni.”

¹⁵² Kati, “Inga nse wamba ceeci ku muntu umbi cita nduwe,” kati, “pele Ndi—Ndi lizi ula cisyoma eci.”

¹⁵³ Wa kati, “Kuciindi ca buyumuyumu bupati bwa makwebo,” kati, “ba kacita kuba a kulembyakuula, kuzwa ku kkaunta, kuyo jana musamu wa baciswa.” Elyo kati, “Buzuba bumwi, Nda kali kkede kusule awa mu cintoolo ca misamu.” Kati, “Mwana wangu wakali kulindila basikuula.” Elyo kati, “Nda kabona i—i mwanakazi kanjila.” Kati, “Waa kali. . . Inga wabona kuti uyoba mutumbu cakufwambaana.” Elyo wakati, “I cintu ciniini tee cakakonya kwiima. Alimwi mulumi wakwe kata samide kabotu, bobile babo. Elyo waa kayaamina ku lubazu lwa kkaunta. Elyo wa kaunka okuya a kubuzya mwana wangu, wa kati, ‘Ndi jisi bulembo bwabusilike awa kuzwa kuli dokotela.’ Wa kati, ‘Sa inga wacilemba mukati a kundi lekela kutola mukaintu wangu ku ng’anda?’ Wa kati, ‘Nda kasola kumulekela kwiima mu mundando oyo. Kolanga buyo kunselelo lya kagwagwa kuya,’ wa kati, ‘kuyooba maora one na osanwe.’ Elyo kati, “Ta konzyi kwiimikila eno, inga wabona.”

¹⁵⁴ Elyo mulombwana mukubusyi wakati, “Munene, Nse—Nse konzyi kucita ceeco.” Wa kati, “Nde elede kuba a kulembyakuula oko lutaanzi,” kati, “nkaambo Nse—Nse konzyi kucita ceeco. Ci lwana buyo milao.” Elyo kati. . .

¹⁵⁵ Bawisi bakati wakali kkede kusule okuya kaswiilila, kubona eco mulombe nca kaamba. Elyo wa kati, “Kwakaindi buyo kaniini, mulombe. Ino ncinzi eco?”

¹⁵⁶ Elyo kati wa keenda kutala okuya. Elyo mudaala, Munakristo wini, muntu musalali wakasimpe, wa kati, “Ino ncinzi, mukwesu wangu mubotu?”

¹⁵⁷ Elyo wa kati, “Munene,” wa kati, “Ndili. . . mukaintu wangu, uli libambilide buyo ku—ku—ku kutumbuka.” Wa kati, “Ndi—Ndili. . . Ndi jisi kulembyakuula kuli dokotela awa; musamu umwi, weelede kuutambula lino.” Elyo kati, “Nda—Nda kamutola kunselelo kuyo imikila mu kaanda omuya.” Elyo kati, “Ndi—Ndi. . . Amulange ku mundando oyu,” kati, “Nda zumbauzya naa inga Nda njila, masakati aya.” Kati, “Nda libuzya buyo ikuti—ikuti na inga wandi filing’ila ceeci?” Kati, “Njo—Njo imikila anselelo alya; Njo—Njo kujanina mali, nzila eyo cooko mbo cicibbadelela.”

¹⁵⁸ “Baa,” wa kati, “nconzyo, munene, Njo cijanina nduwe.” Elyo wa kabikka ansi orda ya zintu, waka joka. Wa kati mulombe wakwe waka zumanana kujokela a katalika kulindila muntuumwi umbi.

¹⁵⁹ Kati, “I mulindu muniini wakalangilila kubusena, ziindi zyoobile na zyoatatwe. Waa kaliimvwi buyo alya, a kuzwa nkasaalo ku busyu bwakwe, kaziba kuti wakali cisidwe loko. Elyo mukwesu kaimvwi alya kamu gwambatilide maboko aakwe, nywebo mulizi, kaamba kuti, ‘Ko jatilila buyo, oyandwa, eno kaindi kasyoonto.’ Kati, ‘I simisamu mubotu uyo tujanina musamu umwi.’”

¹⁶⁰ Wa kati, “Nda kaubamba musamu cakufwambaana mbuli Mbwe kali kukonzya, a kuzuzya bulembo bwangu bwa busilike.” Elyo kati, “Cindi ni Nda katalika kucipa mu janza lyakwe,” wa kati, “Mukwesu Branham, Nda kalanga nkabela Nda kali kucibikka mu janza lya mpikili.” Wa kati, “Nda kabona maamvwa aa nkumu Yakwe.” Wa kati, “Nda kajala meso angu, elyo Nda kacebuka.” Wa kati, “Nda kaziba mpoonya awo, muciiimo mbuli mbo Nda kacita ku ‘basyoonto aba bana Bangu baniini,’ caka citwa kuli Nguwe.”

¹⁶¹ Kati, “Sena ula syoma eco?”

Nda kati, “A moyo wangu oonse, mwiiyi, Nda syoma ijwi lyoonse lya ndilyo.”

¹⁶² Ino ncinzi? Wa kati, “Kuzwida eelyo, Kristo wakaba kunji kuli ndime. Nkaambo, kucita eco ku mwanakazi oyo,” kati, “ca kali cikankamanisyo. Kwiina kuzumbauzya cita eco bantu buyo bata konzyi kusyoma ceeco, pele,” kati, “Nda kayeeya, ko caamba buyo kuli nduwe, nkaambo Ndi lizi kuti waka jisi luzibo.”

Nda kati, “Iiyi, munene. Mbo mbubo,” Nda kaamba.

¹⁶³ Nda yeeya, cindi, Musalali Martin, kabala nguwe. Cindi na kali buyo i—i mulombe, wa kaitwa aa Leza. Bantu bakwe bakali bahedeni. Elyo bawisi bakali—bakali musyobo wa, oh, Ta ndizi, Ndi yeeya kuti muntu simp, alimwi—alimwi cili kabotu ku balombe babo kuba tobela. Wa kati . . . buzuba bumwi nkeya kwiinda mu dolopo okuya. Nda luba awo mpo cakabede lino. Elyo Ndi yeeya kuti wakali muna Frenchi. Elyo wa kati wakali kwiinda mu mwaakwe; kwakali mudaala wakalede alya, kafwampeyo calufu, bube butontola loko. Elyo bantu bakainda ambali, teeba kamupa cintu. Elyo kati wa kaima. Elyo bantu bakali kulibanda ncobeni kuba basyomi, alimwi bakali kwiindamo, kulekela mudaala kalede alya. Elyo wa kali kulombelela cintucimwi caku muvumba mukati, kati wa kalikufwa mpeyo ya lufu.

¹⁶⁴ Elyo Musalali Martin wakainka okuya, kakutanaba kusanduka kwakwe, lino, katola bbaki lyakwe mwini, mukuba silumamba, akuli tenda mu zibeela zyobilo akuvungaila mukumbizi muli ndilyo boobo, acimwi caku muvumba. Bantu baka museka, kati, “I silumamba uuboneka kusesemya, kasamide bbaki lya cisela.” Mwabona, cikubamba kucita zintu

bweenzu. Kwakali cintucimwi muli nguwe, eco nca kasyoma kuti kwakali Leza.

¹⁶⁵ Obu busiku, na ka kotoka akulala kaindi kaniini, waka sinsimuka. Muntuumwi waka musinsimuna, nkabela wa kalanga. Kaimvwi alya mumsi lya bulo bwakwe, elyo mpaawo kwakaimvwi Jesu kavungaidwe mu kabeela ako kamwi ka bbaki. Ayo akali matalikilo aa Musalali Martin.

¹⁶⁶ Ino cakali cinzi? Wa kajisi cimaninizyo, cakuti Ijwi lya Leza ndya bwini. “Eco nco mucitila bana aba baniini Bangu, mwa cicitila Ndime.” Mukwesu, Nda angidwe ku Cimaninizyo eco. Elyo Ndi lizi kuti umwi aumwi wanu. . .

¹⁶⁷ Mubusena bwakuba a lwiito lwaku cipaililo, cifumo cino, Ndi yeeya kuti inga Nda yanda kuba a kwiitwa kwakusalazya. Atu lisalazye tobeni ku Cimaninizyo eci. Sena mula syoma kuti Ijwi ncimaninizyo ca Leza? Sena mula syoma kuti Ngu mbobuca sunu oyo Ngwa kabede lyoonse?

¹⁶⁸ Mbaabo bakutausi mukati muno, sa inga mwayanda kusalazya maumi anu, buyo, amubweze buyo Cimaninizyo? Ncinzi nco tuyanda sunu? Ncinzi nco tuyandila kuba a kkadi lya luswaanano na ceelelo capepa? Tu yanda Jesu Kristo. Ta twaangidwe ku kkadi lya luswaanano. Tula angidwe ku Ijwi lya Leza, “Jesu Kristo mbobuca nguwenya, sunu, amuya myaaka.” Sena mula syoma obo?


¹⁶⁹ Atu nyamuke buyo ku matende esu lino a kusalazya maumi esu koonse. Ndi yanda angu, ambebo. Ndili mukulyaanga nde mwini, cabupya. Ndi lingula kwaangwa kwangu, imbali ilaangidwe. Ndi lingula cimaninizyo cangu. “Mwami, ikuti na kuli cintu cili coonse muli ndime, kunze lya Ijwi Lyako, cigwisye. Nse zyi cintu cimbi cita Nduwe. Nse yanda kuziba cintu cimbi cita Nduwe.” Lino, umwi aumwi, mu nzila yako omwini.

¹⁷⁰ Nda kali kwaambaula kuli ndinywe kwiinda mu mwiki. Nda kamwaambila Bwini. Leza watondezya Bwini. Wa kacibamba kuloolola a kuloolola, a kuloolola alubo. Muli cizyi Cimaninizyo mbucibede. Lino kuli ndinywe a Ndime, antoomwe, nyoonse no banakazi, nyoonse nywebo nobaalumi, balombe, basimbi, kufumbwa mbo mubede, atu; nyoonse nokkwaya, nyoonse—nyoonse nobantu atala awa, koonse, antoomwe; kunselelo lya kaanda kansi, atala mu bbalukoni, kuzunguluka malambo, kusule mu cibeela ca buyake; kufumbwa nko tubede, atu bweze Jesu, Cimaninizyo cesu, nkambo tweelede kuboola ku makkuti aa cimvule ca lufu. Nse zyi cintu cimbi cita Nguwe. Walo Ncimaninizyo cangu, nkaambo Wa kakomezegwa mu buumi bwangu alimwi Ndi lizi kuti Ngwa kasimpe.

¹⁷¹ Atu tambike buyo maanza esu lino a kukomba. Atu bambe mulimo wesu wakusalazya.

¹⁷² Mwami Jesu, Ijwi Lyako ndya kaindi, Ndyo matalikilo a mamanino. Mebo lino, a mbunga eyi, ndalisalazya lwangu,

cabupya, ku cikambaukilo eci sunu. Nda lomba mbungano eyi, Life Tabernacle, ku kulisalazya. Amu manizye kwiimpana konse, aku mane konse, zyakaindi zibe zyaciindi. Bakutausi ba Makanimabotu, abo balibilika . . . a kuyeeya kuti cintucimwi inga cacitika. O Leza, twa lyaanga tobeni, cifumo cino, kuli Jesu Kristo i Ijwi; a kusala kuziba cintu cimbi cita Kristo, nkabela Walo wakabambulwa. O Nyenyeezi ya Kunyiika, O Muuya Uusalala, O Kkampasi ya Leza, boola lino mu moyo aumwi. Elyo tula lisalazya tobeni kuli Nduwe, kwiinda mu Zina lya Jesu Kristo. Bulemu kuli Leza! Ameni.

Ncibotu, mukwesu. 

63-1201M Ii Cimaninizyo
Cikombelo Ca Life
Shreveport, Louisiana U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org